

四庫全書

史部

欽定四庫全書

欽定大清一統志卷一百五十六

彰德府

在河南省治北三百六十里東西距三百二十里南北距二百里東至直隸大名府清豐

縣界一百五十里西至山西潞安府壺關縣界一百七十里南至衛輝府淇縣界一百三十里北至

直隸廣平府磁州界七十里東南至衛輝府濬縣界六十五里西南至山西澤州府陵川縣界二百

三十里東北至廣平府成安縣界九十里西北至山西遼州界四百四十里自府治至京師一千

二百里

分野天文觜參分野實沈之次

建置沿革禹貢冀州之域商時河亶甲所都春秋屬

晉戰國屬魏秦為邯鄲上黨二縣地漢高帝分置

魏郡治鄴屬冀州後漢初平中為冀州治

李吉甫元和郡

縣志韓馥為冀州牧始居鄴其後袁紹曹操皆因之

三國魏建鄴都晉仍曰

魏郡屬司州後入於趙燕及苻秦

咸康初石虎改太守為魏尹升

平初慕容偽置司隸校尉太和末苻堅仍置冀州

後魏天興四年改置相

州東魏天平元年遷都之改曰司州魏尹

元和志後魏考

文帝於鄴立相州鄴行臺及罷鄴行臺以所統六郡置相州即拜岳

按魏書庾岳傳太祖以岳為

為刺史則相州之立當從地
形志作天興四年元和志誤
北齊改魏尹為清都

尹後周建德六年復曰相州魏郡大象二年移治

安陽隋開皇初郡廢大業初州廢復曰魏郡唐武

德元年復曰相州

舊唐書地理志置總管府四年
罷六年復置九年罷貞觀十年

復置都督府
十六年罷
天寶初改曰鄴郡乾元初復曰相州

屬河北道廣德以後常置節度使

唐書方鎮表廣
德元年置相衛

節度使治相州大厯元年賜號昭義軍節度建中
元年徙治潞州而相州屬魏博節度太和三年復
置相衛澶節度使治相州尋罷仍屬魏博五代史
職方考相州故屬天雄軍節度梁分置昭德軍後

唐復屬
天雄

五代晉天福二年於州置彰德軍節度宋

曰相州鄴郡彰德軍屬河北西路金明昌三年升

為彰德府仍屬河北西路元太宗四年立彰德總

帥府憲宗二年為散府屬真定路至元二年復置

總管府屬中書省明仍為彰德府屬河南布政使

司

明統志領州一縣六磁州
安陽湯陰臨漳林武安涉

本朝因之屬河南省雍正四年以磁州改屬直隸以

磁州所屬之武安縣屬彰德府領縣七

安陽縣

附郭東西距一百八十里南距七十里東至直隸大名府元城縣界一百里西至

林縣界八十里南至湯陰縣界三十里北至直隸廣平府磁州界四十里東南至湯陰縣界二十五

里西南至湯陰縣六十里東北至臨漳縣治八十里西北至磁州界八十五里戰國魏寧新中邑秦

昭襄王五十年改曰安陽漢為蕩陰縣地晉始置安陽縣屬魏郡東魏天平初併入鄴縣後周大象

二年自鄴移相州治此改縣曰鄴隋開皇十年復曰安陽大業初為魏郡治唐復為相州治五代宋

因之金為彰德府治元為彰德路臨漳縣在府東治明為彰德府治本朝因之

里東西距七十五里南北距一百里東至直隸大名府元城縣界五十里西至直隸廣平府磁州界

二十五里南至安陽縣界五十里北至廣平府成安縣界五十里東南至內黃縣界五十里西南至

安陽縣治八十里東北至廣平府廣平縣治六十里西北至廣平府邯鄲縣治七十里春秋鄴邑屬晉戰國屬魏漢置鄴縣并置魏郡後漢因之初平中又為冀州治三國魏黃初二年建鄴都晉仍為魏郡治建興元年改曰臨漳後復曰鄴石虎慕容儁皆都此苻秦仍為冀州治後魏天興四年於縣置相州東魏天平元年遷都改為司州魏尹治又分鄴東界置臨漳縣屬之北齊亦都此後周復為相州治大象二年州移治安陽改鄴為靈芝縣隋開皇十年復改曰鄴與臨漳縣皆屬魏郡唐屬相州五代因之宋熙寧五年省鄴縣入臨漳仍屬相州金屬彰德府元屬彰德路明屬彰德府本朝因之**湯陰縣**在府西南四十五里東西距一百五十里南北距五十五里東至直隸大名府開州界七十里西至林縣界八十里南至衛輝府濟縣界二十五里北至安陽縣界三十里東南至

濬縣治七十里西南至衛輝府淇縣界八十里東
北至安陽縣界七十里西北至林縣治一百四十
里戰國魏蕩陰邑漢置蕩陰縣屬河內郡後漢因
之建安十七年改屬魏郡魏晉因之後魏天平初
并入鄴縣隋開皇六年復置蕩陰縣屬汲郡唐武
德四年改置蕩源縣屬衛州六年改屬相州貞觀
元年復曰蕩陰縣五代因之宋宣和二年改屬濬
州尋還屬相州金屬彰德府元屬彰德路明屬彰
德府 本 林縣 在府西南一百二十里東西距九
朝因之 十里南北距一百八十里東至安
陽縣界四十里西至山西路安府壺關縣界五十
里南至衛輝府輝縣界一百里北至涉縣界八十
里東南至湯陰縣界一百里西南至山西澤州府
陵川縣界一百里東北至安陽縣界八十五里西
北至壺關縣界八十里戰國韓臨慮邑漢置隆慮
縣屬河內郡後漢延平時改曰林慮建安十七年

改屬魏郡三國魏屬朝歌郡晉屬汲郡後魏太平
真君六年省入鄴縣太和二十一年復置永定元
年并置林慮郡北齊郡廢後周復置隋開皇三年
郡廢縣屬相州十六年於縣置巖州大業初州廢
縣屬魏郡唐武德二年復置巖州五年州廢縣仍
屬相州五代宋因之金貞祐三年升為林州元仍
為縣憲宗二年復為州至元二年復為縣尋復為
州屬彰德府明洪武三年省縣入州尋降州為林
縣屬彰德府

武安縣

在府西北一百六十里東西
距一百八里南北距一百里

東至直隸廣平府邯鄲縣界二十八里西至涉縣
界八十里南至廣平府磁州界五十里北至直隸
順德府沙河縣界五十里東南至邯鄲縣界五十
里西南至涉縣界八十里東北至廣平府永年縣
界五十里西北至山西遼州界一百二十里戰國
趙武安邑漢置武安縣屬魏郡後漢因之魏晉屬

廣平郡東魏天平初仍屬魏郡隋開皇三年屬相
州十年改屬磁州大業初屬武安郡唐武德四年
屬磁州六年屬洺州永泰九年還屬磁州五代宋
金因之元至元二年併入邯鄲後復置仍屬磁州
明因之本朝雍涉縣在府西北二百二十里東
正四年屬彰德府涉縣在府西北一百三十里南
一百四十里東至直隸廣平府磁州界一百里西
至山西潞安府黎城縣治三十里南至林縣界七
十里北至武安縣界七十里東南至磁州治一百
六十里西南至黎城縣治六十里東北至武安縣
治一百三十里西北至山西遼州治一百六十里
漢置沙縣屬魏郡後漢曰沙侯國後改名涉屬廣
平郡後魏省入刈陵隋開皇十八年復置屬潞州
大業初屬上黨郡唐武德元年屬韓州貞觀十七
年屬潞州五代因之宋屬隆德府金貞祐三年於
縣置崇州四年州廢興定五年復置元初州廢以

縣屬兵定路至元三年併入滄陽後復置
明屬磁州本朝雍正四年屬彰德府
內黃縣

在府東一百十里東西距五十五里南北距八十五里東至直隸大名府清豐縣界十五里西至安陽縣界四十里南至大名府開州界三十五里北至大名府元城縣界五十里東南至開州治六十里西南至衛輝府濬縣治九十里東北至大名府元城縣治九十里西北至臨漳縣界五十里漢置內黃縣屬魏郡魏晉因之東魏省隋開皇六年復置屬相州大業初屬汲郡唐武德四年屬黎州貞觀十七年還屬相州天祐三年改屬魏州宋屬大名府金改屬滑州元因之明屬大名府本朝雍正二年屬彰德府

形勢旁極齊秦結湊冀道開曾殷衛跨躡燕趙山林

幽映川澤迴繚

晉左思魏都賦

西鄰澤潞東接大名南衛

輝而北洺磁兼岡脊而帶沃土

經圖

其地平廣濶大

挾上黨撫襄國踰澶腋衛常為天下要

相臺志

風俗魏郡鄴都士女被習得京洛之風

隋書地理志

土狹

人稀雅重儒術而耕鑿甚勤

府志

城池彰德府城

周九里有奇門四池廣十丈明洪武初築本朝康熙十六年雍正七年

重修乾隆二十五年二十七年屢修

臨漳縣城

周四里有奇門四池廣一丈外

城周六里明洪武二十七年築本朝順治五年重修

湯陰縣城

周四里門六池廣二

文
明
洪
武
三
十
年
築
崇
禎
中
易
以
磚
林
縣
城
周
三
里
門

本
朝
乾
隆
二
十
三
年
至
二
十
七
年
屢
修
四
池
廣
一
丈
五
尺
明
洪
武
七
年
築
武
安
縣
城
周
三
里
有

本
朝
乾
隆
十
年
至
二
十
七
年
屢
修
奇
門
五
池
廣
一
丈
外
城
周
十
三
里
明
涉
縣
城
周
四
里
門

洪
武
十
七
年
築
嘉
靖
二
十
三
年
重
修
二
池
廣
三
丈
明
洪
武
十
八
年
內
黃
縣
城
周
五
里
門

築
嘉
靖
二
十
一
年
易
以
磚
丈
外
城
周
九
里
亦
有
池
明
洪
武
初
築
萬
厯
二
十
五
年
易
以
磚
本
朝
康
熙
二
十
年
雍
正
六
年
重
修

學
校
彰
德
府
學
在
府
治
西
宋
韓
琦
始
建
明
洪
武
三
年
修
本
朝
順
治
十
五
年
重
修
入
學
額

數
二
十
名
安
陽
縣
學
在
縣
治
西
元
至
元
中
建
明
洪
武
三
年
修
本
朝
康
熙
三
十
一
年
重
修

入
學
額
數
臨
漳
縣
學
在
縣
治
西
明
洪
武
二
十
七
年
修
本
朝
順
治
八
年
雍
正

六年修入學
額數十五名
湯陰縣學
在縣治東南
宋大觀元年
建明洪武三年
重建

朝順治十五年修
入學額數十二名
林縣學
在縣治東南
元至元中
建明洪武七年
重建

學額數
十二名
武安縣學
在縣治東南
金天會中
建明洪武七年
重建

年修入學額
數十二名
涉縣學
在縣北門內
明洪武三年
重建

額數
八名
內黃縣學
在縣治東北
元至正末
重建

畫錦書院
在府城內
本朝乾隆五年
建演易書院
在湯陰縣
乾隆二十三年
建紫金書

院在武安縣治東
明萬曆中建
本朝乾隆二十
五年重建各縣
並設義學社學
按舊有主靜書

院在湯陰縣城內
明崔銑有記
又黃華書院
在林縣治西南
金王庭筠讀書
處今廢

欽定四庫全書

欽定大清一統志

戶口

二十二萬七千八百五十三戶又
滋生人丁九十六萬六千零十一

田賦

民衛田地五萬五千七百二十頃五十一畝零
額徵補徵雜辦丁銀匠價等銀三十四萬五千

二百二十七兩六錢零正兌改兌正耗潤耗行糧
等米一萬八千九百六十五斗六升零豆二萬

二千三百十九石八斗零麥一千八百一十一石九
斗零隨漕輕折等銀一千七百四十六兩二錢三

零分

山川龍山

在安陽縣西四十里魏都賦虎澗龍山相
為倚伏隋書地理志靈泉有龍山舊志一

名善應山東南有善應村洹水伏
流出焉又涉縣北三十里亦有龍山
藍嵯山在安陽縣

西後漢書袁紹傳袁尚救鄴曹操逆擊破之尚還
保藍口杜佑通典安陽縣有藍嵯山藍口蓋藍山

之口 蒙賚山 在安陽縣西南二十五里相傳後魏
孝文帝遷洛於此頌賚從臣故名也

寶山

在安陽縣西南五十里舊名白石谷產白石
陶人取以為器山有八峯峯下有泉其西北

為青涼馬鞍二 韓陵山 在安陽縣東北七十里魏
山接林縣界 劉公幹詩朝發白馬暮宿

韓陵後魏泰常八年帝畋於鄴南韓陵山普泰二
年高歡敗尔朱兆於韓陵於此立定國寺旌功温

子昇為碑文陳徐陵使北過韓陵讀而愛其才麗
手自錄之既南歸論北朝人物曰惟有韓陵片石

耳隋書地理志安陽有韓陵山元和志 銅山 在安
在縣東北十五里舊志俗名七里闕 陽縣

西北四十里舊產銅有冶久廢又魯山在栢尖山
縣西北七十里高望山在縣西北八十里

在湯陰縣西五十里孤峯特峙 牟山 在湯陰縣西
淇水經流其下漚為白龍潭 四十里湯河

出此鄜道元水經注所謂石尚
山也又飛鳳山在縣西五里
尚
五巖山在湯陰縣西四十里

中有五谷故名
鶴山在湯陰縣西四十里
枉人山在

北有仙人洞
陰縣東南二十五里與濬縣接界
按隋書地理志黎陽有枉人山水經注淇水東北逕枉人山東

牽城西春秋左傳注黎陽東北有牽城隋志所稱
正與水經注合庾信賦所云山稱枉人者即此

黑山在湯陰縣西南三十五里與濬縣接界長沙
溝水出焉又淺山在縣西南侯趙川接林縣

界
隆慮山在林縣西二十里亦名林慮山漢書地理志隆慮注應劭曰隆慮山在北避殤

帝名故曰林慮也後漢更始二年光武遣更始將
謝躬邀擊尤來賊於隆慮山後改名林慮漢夏馥

隋盧太翼皆避地於此水經注縣北有隆慮山隋
書地理志林慮有林慮嶺仙人臺元和志山多鐵

南接太行北連恒嶽樂史太平寰宇記山有三峯
南第一峯曰仙人樓第二峯曰玉女臺北第三峯

曰魯般門黃華山在林縣西二十里史記趙武靈王十
九年北至無窮西至河登黃華之上

注黃華蓋西河側之山名水經注黃水出隆慮縣
神困山黃華谷北崖山高十七里水出木門帶帶

即山之第三級也去地七里寰宇記隆慮山南第
一峯下有黃華山北巖山瀑布水下注成池谷西

北有洞穴去地千仞下有天平山在林縣西二十
小山孤聳謂之玉女臺六里宋柳開遊

天平山記山有大峯六小峯五其西又有二峯諸
峯皆於茂林喬松間拔出石壁數千尺迴環連接

巖巖峭翠雖善工亦不能圖孔尖山在林縣南八
畫府志在黃華谷南二十里十八里洪水

經其後禱山在林縣北三十五里周迴礪山在林縣
三十里又北五里為柏山北六十

里產萬泉山

在林縣東南五十里山多泉山半有石門寺寺南一泉飛騰噴礴響振山

谷玉泉山

在林縣西南二十里有玉泉谷故名有望仙朝霞迎霞三峯有溪曰甘露溪滴

乳泉又澤陽谷在玉泉谷南七里硤峪在澤陽南八里有十二峯景物與天平埒又栖霞谷在硤峪

南十里去縣四十里將軍山

在林縣西南三十里明統志昔齊侯伐晉趙勝率東陽之師追

之駐兵紫團山

在林縣西南五十里接山西潞安府壺關縣界山產紫團參亦名截

谷參以生礦山

在林縣東北三十五里有清鐵礦山山谷口也又武安縣西北二十五里亦有礦

山大頭山

在林縣西北二十五里晉書庾袞傳石勒攻林慮父老謀曰此有大頭山可共

保之袞乃相與登於大頭山而田於其下水經注倉石水逕偏橋東即林慮之嶠嶺抱犢堦也石磴

西上五里餘崿路中斷以木為偏橋而行自此而上猶須攀蘿捫葛方至山頂府志大頭山一名殿

子倚陽山

在林縣西北四十里東向平川西臨深澗南抵魯般門北至劉家梯周迴八十

里四面石崖峻險山巔一峯突兀惟東偏有路可通人行其上平坦水泉七十餘處一名蟻尖砦

鼓山

在武安縣南三十里一名溢山魏書地形志臨漳有鼓山後魏建義初朱榮自晉陽東

出溢口討葛榮於鄴隋書地理志臨水有鼓山溢山元和志溢陽縣鼓山亦名溢山在縣西北四十

五里溢水出焉亦名溢口即太行第四陁也山嶺高深實為險扼寰宇記山有石鼓形二所南北相

當俗語云南鼓北鼓相去十五府四見山在武安志鼓鳴則兵起有脫甲鷲駐二嶺

十里明統志又有玉峯山在縣西二十里岩石皓然望之如玉

百尖山

在武安縣西四十里

舊志又有虎頭山在縣西
三十里又青龍山在其西
粟山在武安縣東南十
二里相傳昔白起

扼廉頗於此命將士以布囊盛粟積
至山巔趙軍乃退土人因呼為粟山
靈山在武安縣東南

二十五里洺
河經其下
赭山在武安縣東南三十五里寰宇
記武安縣赭山在縣東南十八

里出
赭土
磁山在武安縣西南三十里一作慈石山隋
書地理志臨水有慈石山元和志磁州

溢陽縣西九十里有
磁山出磁石因名
關與山在武安縣西南史記
趙世家惠文王二十

九年趙奢拒秦軍於關與先據北山大破秦軍於
關與下隋書地理志武安縣有關與山元和志在

縣西南
五十里
儒山在武安縣北八里府志元曹生居山
中修儒行山後有曹公泉可溉田

紫金山在武安縣東北三十里亦名紫山唐天寶
六年改為朱衣山山下有水北流中有鮒

魚名朱衣鮒鱗色若金舊志山有泉名紫
三門山
泉泉側有王喬洞產九節菖蒲暨烏石

在武安縣西北八十里寰宇記
韓王山 在涉縣東
山有三足峻峙如門沼水出焉 五里山麓

有玉泉出馬東南入於漳
熊耳山 在涉縣南十里
相傳韓信嘗駐兵於此 有望海掛月石

人超雲朝陽諸峯有泉下注於漳又五
崇山 在涉
里有神頭山又縣南十五里有玉几山 縣東

南三十里寰宇記在縣東南七十里明
風洞山 在
統志金陞縣為崇州故名亦名青頭山 涉

縣西南十里舊名積布
符山 在涉縣西北四十里
山又西十里為唐王山 寰宇記又有瘦姑山

在涉縣西北八十里又
五馬山 在內黃縣西宋史
有肥婦山地脈相連 李全傳寶慶元年

彭義兵與元兵戰於
鐵淖嶺 在武安縣西十五里
內黃之五馬山下 又滴翠嶺在縣西五

十里石泉飛瀑四時不涸

流沙嶺

在林縣西南三十里明統志其嶺多沙遇暴風飛走如流

摩天嶺

在武安縣

西北野馬岡

在安陽縣北三十里北齊書神武

紀永熙元年朱天光等同會鄴衆號二十萬夾洹水而軍神武於韓陵合戰大敗之高季式以七

騎追奔度野馬岡

愁思岡

在安陽縣西南十五里唐書肅宗紀乾元二年郭子儀及安慶

緒戰於愁思岡敗之寔宇記愁思岡隋文帝改曰崇義岡府志在縣南十五里俗亦曰望喜岡岡上

有防城又名防城岡

焦岡

在武安縣西六十里唐末李克修敗邢州兵於此

博望岡

寔宇記內黃縣博望岡在縣東南十三里接汲縣界

寶泉巖

在林縣西北三十里府志寶泉

巖在太行山半漢夏馥棲隱處

定晉巖

在武安縣西北八十里高百餘仞下有湧碑池池畔

有透影碑
鐵馬巖
在涉縣西三十五里
黃茭谷
在臨漳縣西南十五里
寰宇記鄴縣

有黃茭谷
魯般門
在林縣西北二十五里
水經注倉石雙闕昂藏石壁

霞舉左右結石
修防崇基仍存
天井岐
在武安縣西八十里
舊名天井關山西要路削壁如

井狀後燕慕容垂滅西燕
出溢口入天井關即此
紫雲洞
在涉縣東南四十里
洞口僅容

一人內寬廣
有泉極清冷
衡水
自衛輝縣淇縣流入經湯陰縣東南五十里
與濬縣接界又自

濬滑二縣東北流
經內黃縣西北
又東北入直隸大名縣界
其在內黃界者即古淇水一名清河亦

名永濟渠
漢志內黃有清河
水南出水經注淇水自頓邱
枉人山牽城東北逕石柱岡
又東逕內黃

縣界為白溝
又東北逕并陽城西
又北左合湯水又東北逕內黃故城南
又東北逕戲陽城東
又北

遼高城亭東洹水從西南來注之又北入魏縣界
元和志內黃縣永濟渠本名白渠隋煬帝導為永
濟渠一名御河北去縣二百步府志衛河在湯陰
縣東南五十里源發輝縣蘇門山歷五陵塌河任
固故城百餘里為小灘允運從此達京漳水有
師堤口屢潰本朝順治十三年修築
濁漳水自山西壺關縣流入經林縣北又東至涉
縣東南清漳水自山西黎城縣流入經涉縣南又
東南與濁漳河合流謂之交漳口又東經安陽縣
北又東過直隸磁州南又東經臨漳縣西北流入
直隸成安縣界本朝乾隆二十六年漲水衝決
臨漳縣即動郊修築沙家庄土堤三百七十八
丈二十八年又於五學村至後村築土堤五百八
十餘丈自後屢有添築以防水患史記河渠書西
門豹引漳水溉鄴以富魏之河內三國魏志武帝
紀建安十八年鑿渠引漳水入白溝以通漕水經

注漳水自潞縣東逕礪陽城北倉石水入焉又東逕葛公亭北又東逕武安縣東清水自涉縣東南來注流之世謂決入之所為交漳口也又東逕三戶峽為三戶津又東汙水注之又東逕武城南又東北逕西門豹祠前又與枝水合自豹祠北逕趙閔馬臺西又北逕祭陌西又對趙氏臨漳宮又北溢水入焉又東逕梁期城南又逕平陽城北又東至斥邱又清漳水自合轅水東過涉縣西屈從縣南漳水於此有涉之稱又東至武安縣南黍窖邑入於濁漳元和志鄴縣濁漳水在縣北五里今天井堰即西門豹遺址涉縣濁漳水一名涉河在縣南一里寰宇記漳水在縣東北有永樂浦浦西五里俗謂之紫陌河王應麟通鑑地理志釋濁漳水出潞州長子縣發鳩山東至相州鄴縣入清漳清漳出太原府樂平縣少山東北流至德州長河縣瀛州平舒縣入於河周定王五年河徙而東故漳

水不入河而洹水自山西潞安府長子縣流入經
自達於海林縣東北又流經安陽縣北又

東流經內黃縣西北入衛河左傳成公十七年聲
伯夢涉洹戰國策蘇秦說趙肅侯今天下將相盟

于洹水之上史記注應劭曰洹水在湯陰縣界瓚
曰在今安陽縣北後漢書郡國志林慮洹水所出

蘇秦合諸侯盟處水經注洹水出洹氏縣洹山東
過隆慮縣北又東北出山連逕殷墟北又東枝津

出焉又東北流逕鄴城南又東逕安陽縣故城北
又東逕長樂縣故城南逕內黃縣北東流注於白

溝寰宇記源出林慮山東平地俗謂之安陽河府
志在府北四里源出上黨故垣氏縣經林慮上而

狀復瀑於善應高平二山自府淇水自衛輝府輝
城西南遠而東下流入衛河淇水縣流入東逕

林縣南又東逕湯陰縣西南流入衛輝府淇縣界
水經注淇水自沮如山歷羅城北合女臺水又東

北逕淇陽川石城西北又東逕馮
都壘南又東出口逕朝歌縣北
有武安縣

西北門道川東流逕縣北南洺出縣西白草坪東
流逕縣南又東北合流入直隸邯鄲縣界元和志

武安縣洺水西北去縣八十三里寰宇記洺水亦
名漳水源出縣西北三門山下又有白鴻水在縣

西北八十五里明統志洺水源出山西遼州太
行山至縣西柏林里伏流至縣南洺遠里復出湯

水自湯陰縣北東流至內黃縣西南入衛河本名
蕩水亦曰湯水漢書地理志蕩陰縣蕩水東至

內黃入澤水經注蕩水出縣西尚山泉東流逕
其縣故城南又東北至內黃縣合美水又東與長

沙溝水合又逕內黃城南東注白溝寰宇記湯陰
縣湯水在縣北源出縣西牟山下府志蕩水在湯

陰縣北二里唐貞觀元年以水微温又改名湯水
經注謂水出石尚山或其別名湯陰縣志湯水東

流與宜師溝合又東合洹水入衛河明萬厯初湯水屢決因改濬由大坡青塚高城入衛歲久復於本朝順治十四年復疏河道二

美水

自湯陰縣北流入安陽縣又東

十里乾隆三年重加挑濬

流至內黃縣西南入湯河

本朝乾隆三年疏濬漢書地理志蕩陰西山美水所出東至內黃入蕩

水經注美水出蕩陰西北韓大牛泉東逕韓附壁北又東流逕美城北故美里也水積成淵東至內

黃與防水會又東歷黃澤入蕩水府志在湯陰縣北八里今與蕩水別流入衛又府志有西河在美

水南隋圖經云即卜子夏田子方段干木所遊也

防水

在安陽縣西南二十里水經注防

水出西山馬頭澗東逕防城北東南流注於美水府志又有靈泉水在縣西南四十里東流十五里

入防

倉石水

在林縣西北水經注倉石水出林慮縣之石倉溪東北逕魯般門西又北

逕偏橋東又北合白水溪又北汙水在臨漳縣西
逕礪陽城東而北流注於漳水史記項羽本

紀羽悉引兵擊秦軍汙水上注徐廣曰在鄴縣西
漢書項籍傳注師古曰汙水在鄴西南後漢書郡

國志鄴有汙水水經注汙水出武安縣山東南流
經汙城北東注於漳水府志汙水在臨漳縣西入

漳其源出武滏水在臨漳縣西十五里自直隸磁
安山今絕滏水州流入至縣西入漳後漢書郡

國志鄴有滏水注魏都賦曰北臨漳滏則冬夏異
沼注云水經鄴西北滏水熱故名滏口元和志滏

水出縣西北四十里滏山泉源奮湧若釜之揚湯
故以滏口名之舊志滏有二源一出神麇山黑龍

洞口一出武安鼓山南岩下合流經磁州黃水在
南關遠城東南至臨漳縣十五里入漳水黃水在林

縣西北五里亦名陵陽河俗名逆頭河水經注黃
水出神麇山黃華谷北崖懸水東南注壑直瀉巖

下狀若雞翹故謂之雞翹洪東流注谷口潛入地
下東北十里復出名柳渚渚周四五里又東流與

葦泉水合謂之陵陽水又東入於洹水魏書地形
志林慮有陵陽河東流為洹舊志有史家河在縣

西北二十里源出倚陽山東南流與雙泉水合又
武平水在縣東北三十里源出武平寺後皆流入

陵陽葦泉水在林慮川北澤中東南流與雙泉水合
出林慮川北澤中東南流與雙泉水合

水出魯般門東下流入葦泉又東南流注黃水舊
志雙泉水在縣西北二十里一名靈岩水東入葦

泉俗名埋浙水在林慮縣南三十里源出山西陵川
子莊河縣界東流經縣西南俗稱三陽河

又東南入於淇舊志有三擁水在縣西南三十里
源出山西壺關縣界東流至縣淇陽城西北入淇

女臺水在林慮西南水經注女臺水發西
北三女臺下東南流注於淇水
新開水

在林縣西五里源出天平山龍洞東流數里阻巨石伏入地下元至元五年知州事李漢卿始鑿渠引水自西南直抵城濠民甚便之明弘治十七年又鑿渠自西北引黃華山水入城濠與新開水合名曰廣會泉今繁水在內黃縣東二十六里自直分為南北二池繁水隸開州流入東北入清豐縣界亦名浮水春秋襄公二十年盟于澶淵注澶淵在頓邱縣南今名繁汙此衛地水經注河水左會浮水故瀆上承大河於頓邱縣而北出東逕繁陽故城南昔魏徙大梁趙以中年易魏故志曰趙南至浮水繁陽即是瀆也澆河在內黃縣南自衛輝通典內黃縣有繁河府滑縣流經縣南又遠縣東北流入直溝河在內黃縣西自衛輝府滑隸大名縣合衛河縣流入經縣西北於孟家潭入衛河又界河在縣南西通清河東南流新河入直隸開州界夏潦則溢而北流入于衛河

自安陽縣東北流經臨漳縣西南又東入直隸成
安縣界洹水支流也水經注洹水枝津東北流逕
鄴城南謂之新河又東分為二水北水逕東明觀
下又北逕建春門石梁下又逕魏武元武故苑西
流注於漳南水又東北逕女亭城北又東北逕高
陵城南又東逕鷓鴣陂北與台陂水合注白溝河
舊志在臨漳縣西南儒教河在武安縣北八里明
四十里今混入漳河

行山麓流至西沙窩里伏流響水河在武安縣
至縣北儒教里復溢出入洺河

五里源出直隸沙河縣趙村土溝

水注石崖淙聞數里流入洺河

臨漳縣界漢志云鄴故大河在東北入海是也其
時河流已經變遷今不可考一在內黃縣界自直
隸開州流入東北入清豐縣界水經注云河水自
戚城逕繁陽縣故城東又北逕陰安至昌樂是也

黃河故道

有二
一在

考宋河渠志元豐八年梁村上下漲水壅潰西決
內黃北出闕村元符二年河決內黃口東流遂絕
舊志金初河道始南徙不經縣界今有故
渠在縣東十里有南北古堤俗謂之黃灘
鷓鴣陂
在臨漳內黃二縣界魏書地形志臨漳有鷓鴣陂
水經注洹水枝津東逕鷓鴣陂北與台陂水合陂
東西三十里注白溝河元和志洹水縣鷓鴣陂在
縣西南五里周迴八十里蒲魚之利州境所資寰
宇記有黃衣水自安陽縣野馬岡東南注萬金渠
入鷓鴣陂府志陂內有青牛臺又有毛象陂在臨
漳縣東北二十里洹水漲
集賢陂 在內黃縣東門
則由鷓鴣陂北注於此 外南達硝河北
通衛河積雨水 黃澤 在內黃縣西北漢書溝洫志
溢彌望無際 哀帝時賈讓奏言內黃界中
有澤方四十里環之有限往十餘歲太守以賦民
應劭曰在縣西水經注內黃縣右對黃澤元和志

內黃縣黃澤在縣西北五里今埋廢縣志有孟家潭在縣西北二十里其水無源夏潦則硝河匯於北溢入衛河或以長明溝在臨漳縣西水經注魏為即故黃澤也武引漳流自鄴城西東

入逕銅雀臺下伏流入城東注謂之長明溝又南逕止車門下北宮有文昌殿溝水南北夾道支流

引灌所在通溉東出石竇下注之澶水故魏武登臺賦曰引長明灌衛里謂此渠也寰宇記鄴縣有長

明宜師溝在湯陰縣西南二十五里即長沙溝也水經注長沙溝水導源黑山北谷東流

逕晉鄭故壘北又東謂之宜師溝又東逕蕩陰縣南又東逕枉人山東北至內黃澤右入蕩水亦謂

之黃雀溝寰宇記湯陰縣長沙溝在縣南二十里一名宜師溝又有永通河源出栢尖山東流經縣

南又南虎澗在安陽縣北三十里野馬岡下魏都入湯河龍山是也府志俗曰彪澗

有小泉名黃花水東南流七里入於洹
又有清流澗在野馬岡北東流入漳
湯池在安陽縣

城外晉太元八年慕容容
垂自鄴至安陽之湯池天池在安陽縣西四十五
里龍山北水冶鎮南

又有海池在縣東北四十里
每秋平地湧水俗名海子元武池在臨漳縣西
南三國魏志

武帝紀建安十三年春公還鄴作元武池以肄舟
師魏都賦苑以元武注在鄴西鄴中記元武池在

漳水之南水經注玄武池有魚梁釣臺竹木灌叢
今略無遺跡又有靈芝池在臨漳縣西三國魏志

文帝紀黃初三年穿靈芝池四年有鵝鵝鳥集此
鄴中記靈芝池在城西三里周靈芝縣蓋以此名

今皆埋廢蒲池在臨漳縣西故鄴城外晉書慕容儁載
記讌羣臣於蒲池太元八年慕容容農自

鄴中出至蒲池
奔列人今埋青巖池在湯陰縣西府志青巖
池在師家溝西石巖下

周二里久旱不
涸居民賴之

照碧池

在林縣西南水清澈可鑿
又洗參池在縣治西相傳

為王母羊兒池
洗藥處

在林縣西南四十五里世傳池清
則縣有兵入黑墨池在縣西南二

十里亦名黑龍潭
歲旱禱雨有應

聖水池

在武安縣西六十里池
濶十五畝其地無井居

民千家仰
給不匱

陷馬泉

在安陽縣西南二十三里鄴都
故事朱兆與高歡戰兆敗走

經此泉馬
陷故名

天泉

在安陽縣天禧鎮東北十五里冬
夏常溫村民千百人聚汲之不損

傳蓄不溢俗
呼為聖水

灰泉

在湯陰縣東
南二十里

王老泉

在湯陰縣
西北五十

橋上有仙人
橋入美水

龍泉

有二一在湯陰縣西南二十五
里東北流一里八宜師溝一在

林縣西南
砮峪山

七泉

在林縣東南七泉社地出泉有七
竅又康王泉在縣西南三十五里

柳泉在縣東
北三十里

白龜泉

在武安縣東北二十里上
有廟每雩祭龜見則雨
玉

泉

在涉縣東一里韓王山麓又有暖泉在虎頭山
東一里許縣志歲旱漳流常竭惟玉暖二泉合

流注漳匯成巨浸東南
境之田畝多資灌溉

司馬泊

在湯陰縣東三
十里周十七里高

平渠

唐書地理志安陽西二十里有高平渠咸亨
三年刺史李景引安陽水東流溉田入廣潤

陂舊志渠起縣西高平村故名宋至和中韓琦判
相州淪渠入城又於城西北隅傍濠置二水磴明

宏治後漸淤又有濁渠在縣西南北流入高平渠
歲久淤塞正德中重開今甘廢通志在安陽縣東

南二
十里 天平渠

在安陽臨漳二縣界魏書地形志天
平中決漳水為萬金渠世號天平渠

唐書地理志堯城北四十五里有萬金渠引漳水
入故齊都領渠以溉田咸平三年開府志渠在縣

西北二十里又有清河渠在安陽縣北三十里北
齊河清二年於野馬岡南堰水為渠東流入鄴今
廢又有蜀渠在縣西南二十里水
治渠廣遂渠皆在縣西四十里
菊花渠 在臨漳
縣東南

四十里唐書地理志臨漳南有菊花渠自鄴引天
平渠水溉田屈曲經三十里咸亨四年令李仁綽
開府志菊花渠在臨漳縣東南久廢又有伯陽渠
在縣西南四十五里亦自天平渠引漳水南入安
陽縣界亦曰安陽渠又金鳳渠引天平渠下流溉
田府志在臨漳縣西南自天平渠引漳水東注經
金鳳側
西門渠 在臨漳縣西南今廢後漢書安帝
紀元初二年修理西門豹所分漳
水為支渠以溉民田寰宇記一名安驛
坡齊天保五年僕射魏收為碑存焉
通利渠 在
安縣西一里許縣西北界多山每遇霖雨則水齧
城明成化二十二年知縣秦永昂穿渠注水入洛

河城西渠

在涉縣西一里金承安三年縣尹李適所開溉田千畝引入城中以資民用久

廢明嘉靖

墨井

在安陽縣西井中有石如墨久涸左思魏都賦墨井鹽池元滋素液

龍井

在湯陰縣西三十里真人社晉孫登居此天旱里人禱龍洞得雨登曰此病龍兩安能蘇

稼嗅之果腥穢時龍患大疽化為老人求登治治良已數日即大雨於巨石中裂開一井水色湛然

龍以報登也

古蹟魏郡故城

在安陽縣東北春秋晉獻公始封畢萬於此為魏國秦置郡漢高帝十二

年置魏郡治鄴縣後分魏郡置東西部都尉故曰三魏漢書地理志魏郡高帝置屬冀州後漢書岑彭傳岑熙遷魏郡太守舊唐書地理志安陽漢魏郡城在縣西北七里寰宇記安陽縣魏郡城即漢

以來為郡之所故

安陽故城

在今安陽縣南本戰國魏邑秦昭襄王五

十年攻魏王薨從張唐拔寧新中更名安陽漢景帝二年封周昌孫左徒為安陽侯昭帝始元二年又以封上官桀表在湯陰晉始置安陽縣東魏天平初併入鄴縣水經注魏土地記曰鄴城南四十里有安陽城城北有洹水東流者也舊唐書地理志相州安陽故城在湯陰東後周移鄴置縣於安陽故城仍為鄴縣隋又改為安陽縣州所治元和志安陽漢初廢以其地屬湯陰晉於今城西南三里置安陽縣屬魏郡後魏併入湯陰隋開皇十年置安陽縣屬相州通鑑地理通釋洹水南岸三里

有安陽城即相州外城府志安陽凡四遷秦城在今府東南四十三里晉置縣在今府西南隋開皇

十年復徙於洹水南大邙會故城在安陽縣西北業初移郡郭內即今治本魏伯陽城西北

記趙惠文王十六年樂毅將趙師攻魏伯陽漢元朔二年封趙敬肅王子仁為邯鄲侯國屬魏郡後漢省水經注漳水右與枝水合其水上承漳水於邯鄲西而東別與邯鄲水合水發源邯鄲東北逕邯鄲縣故城西北注漳水故曰邯鄲也張晏曰漳水之別自城西南與邯鄲山之水會今城旁猶有溝渠存焉蕭德言括地志伯陽故城一名靈泉故城在邯鄲城在相州鄴城縣西十五里

陽縣西南後周置靈泉縣屬相州隋屬魏郡唐武德元年領零泉縣四年省

相縣故城

在安陽縣西書序河亶甲居相帝王世紀亶甲城在安陽縣西北五里洹水南岸隋書地理志安陽

開皇十年分置相縣大業初廢相入馬舊唐書地理志相州武德元年領相縣五年仍省相縣府志

相縣故城在永定故城在安陽縣東四十里本內府西十五里

永定故城

在安陽縣東四十里本內府西十五里

欽定四庫全書

欽定四庫全書
卷一百五十六

郡後魏因之水經注洹水又東至長樂縣左側又東逕長樂縣故城南是也北齊省入臨漳縣隋開皇十年分臨漳漳水二縣復置長樂縣十八年改曰堯城屬魏郡唐屬相州縣西至州四十里因所理堯城為名天祐中避朱全忠父諱改曰永定梁開平中改曰長平後唐同光初復曰永定宋天聖七年避真宗山陵名改曰永輔巖故城在安陽縣和熙寧七年省為鎮入安陽輔巖故城西金史地理志林慮升為林州與定三年以安陽縣水冶村為輔巖縣隸馬元史地理志至元四年以林慮升為林州復立輔巖縣隸之六年併輔巖入鄴縣故安陽縣志水冶鎮在縣西四十里即故縣鄴縣故城在臨漳縣西本齊桓公所築管子築五鹿中牟鄴以衛諸侯徐之才聖賢城塚記翟滅邢齊桓公築鄴城以衛諸侯鄴由此始戰國趙悼襄王六年魏與趙鄴秦始皇十一年王翦等攻鄴取八城

後漢初平二年表紹為冀州牧鎮鄴建安元年以
紹為太尉封鄴侯後又以封曹操魏黃初二年置
鄴都為五都之一晉為鄴郡治建興二年避懷帝
諱改鄴為臨漳為石虎所陷咸康二年虎遷都於
此升平元年慕容儁亦都之苻堅滅燕仍為冀州
治太平十年慕容垂取之後魏皇始三年拓跋儀
入鄴置行臺尋置置相州太和十七年將遷洛都因
巡省至鄴置宮於鄴西天平元年高歡遷魏主都
鄴興和元年令高隆之領營構大將軍發畿內民
夫增築南城周圍二十五里元象二年復城鄴後
周建德六年滅齊置六府於鄴城宣政初移六府
於洛陽以相州為總管府大象二年韋孝寬破尉
遲迥於鄴城相州平移相州於安陽徙其居人南
遷四十五里其鄴城及邑居皆毀廢之改舊鄴縣
為靈芝縣隋開皇十年復故煬帝初於鄴故都大
慈寺置縣唐貞觀八年始築今治所小城寰宇記

相州鄴縣後漢冀州刺史嘗寄理於此晉改鄴為臨漳歷東魏北齊皆都此歐陽志輿地廣記相州

臨漳縣本漢鄴縣曹操以為鄴都作三臺曹學佺名勝志鄴城宋廢為鎮去臨漳縣西二十里府志

魏故鄴邑即今鄴鎮鄴都北城臨漳故城在今臨漳縣西

在鎮東北鄴都南城在鎮東南臨漳東魏天平初分鄴內南晉愍帝時嘗改鄴為臨漳東魏天平初分鄴內

黃斤邱肥鄉四縣地置元和志相州臨漳縣西南至州六十里縣志故城在今縣西南十八里舊縣村明洪武十八年避漳水患因移理王店即今治

蕩陰故城在湯陰縣西南戰國時魏邑史記魯仲連傳魏安釐王使將軍晉鄙救趙止於

蕩陰不進漢置蕩陰縣晉惠帝永安初討成都王穎穎犯駕於蕩陰永和五年石虎子遵自河內舉

兵趨鄴軍於蕩陰魏書地形志蕩陰有蕩城元和志縣北至州四十里隋開皇六年重置湯陰縣屬

相州十六年改屬黎州舊唐志湯陰漢蕩陰縣也併入安陽武德四年分安陽置湯源縣屬衛州六年改屬相州貞觀元年改為湯陰府志唐初湯源縣在今湯陰縣西南三十里貞觀初還治古湯陰城即今治按顏師古注蕩音湯新唐志以為貞觀省湯源入湯陰而舊唐志元和志皆云改湯源為湯陰未魏德故城在湯陰縣南三十里水經注知孰是魏德故城長沙溝水東流逕晉鄙故壘北謂之晉鄙城亦名魏將城東魏天平二年置魏德縣屬林慮郡北齊廢括地志魏德故城一名晉鄙城在魏縣隆慮故城今林縣治戰國時韓臨慮西北五十里隆慮故城邑荀子秦地東在韓者乃有臨慮漢置臨慮縣高帝六年封功臣周窳為林慮侯漢書地理志隆慮注應劭曰避瑒帝名改曰林慮水經注縣北有隆慮山縣因山以取名元和志相州林慮縣東至州一百一十里寰宇記林慮

欽定四庫全書

卷一百五十六

縣城東魏天平元年築

臨淇故城

在林縣東南東魏天平初分朝歌林慮共三縣置屬

林慮郡尋廢隋開皇十六年復置屬魏郡隋末廢府志臨淇縣在林縣南七十里

淇陽故

城

在林縣南水經注淇水又東逕馮都壘南世謂之淇陽城隋開皇初分林慮置淇陽縣大業初

又廢淇陽入馬府志淇陽城在林縣南七十二里俗呼郎子城

武安故城

在今武安縣西

南戰國趙邑史記趙悼襄王封李牧為武安君秦昭王三十六年秦軍武安西鼓譟勒兵武安屋瓦

皆震漢置武安縣高歡起義時林慮郡守赫連子悅請以武安臨水二縣東屬魏郡隋大業初羣盜

張金稱陷武安括地志武安故城在武安縣西南七里舊志有東故城在縣西南又有西故城在縣

西陽邑故城

在武安縣西隋開皇十年分武安置陽邑縣大業初省入馬舊志陽邑故

城在武安縣西六十里今為陽邑鎮涉縣故城在今涉縣西北本漢

涉建安九年曹操圍鄴涉長梁岐以城降後魏省入刈陵魏書地形志刈陵有涉城隋復置元和志

潞州涉縣南至州一百八十里本漢舊縣屬魏郡因涉河水為名隋于故涉城重置舊志唐貞觀十

三年遷今治故內黃故城在今內黃縣西北戰國

七年圍魏黃不克注正義曰黃城在魏州漢書注應劭曰陳留有外黃故加內云後漢書建武二年

幸內黃又銚期傳時檀鄉五樓賊入繁陽內黃初平三年曹操擊黑山賊於內黃東魏天平初併入

臨漳隋開皇六年復置章懷太子曰內黃故城在今縣西北元和志相州內黃縣西北至州八十里

襄守記隋於故城東南十九里重置文德初朱全忠引兵至內黃敗魏州兵即今縣也縣志舊縣城

在縣西
二十里
繁陽故城
在內黃縣東北
戰國時魏邑
史記趙考成王二十一年廉頗攻

魏繁陽拔之漢置縣屬魏郡應劭云在繁水之北
故名後漢因之晉屬頓邱郡後魏太平真君六年

併入頓邱太和十九年復置天平二年改屬魏郡
北齊廢隋開皇十六年復置大業初廢入內黃唐

武德四年又置屬黎州貞觀元年又省括地志
云繁陽故城在相州內黃縣東北二十五里防

陵城
在安陽縣南
史記廉頗傳廉頗攻魏之防陵
安陽拔之注正義曰防陵城在相州安陽縣

南二十里因防水為名水經注防水東逕防城北
府志在縣南愁思岡上又有頃城在縣北虎澗南

五里相傳為平陽城
在臨漳縣西
史記秦始皇紀
衛頃公所築平陽城桓齮攻趙趙將扈輒於平

陽注正義曰括地志云平陽故城在相州臨漳縣
西二十五里又漸歛傳從攻下邯鄲別下平陽注

徐廣曰鄴有平陽城水經注漳水逕平陽城北寰宇記臨漳縣有平陽故城

汧城

在臨漳縣

西後漢書郡國志鄴有汧城水經注汧水東南流逕汧城北府志汧陽城在臨漳縣西南十五里城

臨汧水

高陵城

在臨漳縣東水經注洹水東北逕高陵城南府志在縣東北二十里

縣志高陵城在臨漳縣東

神武城

在臨漳縣西南十五里東魏興

和中高歡所築其後高洋改名周平齊改為日光寺

雍城

在臨漳縣西鄴鎮東北四里相傳高

歡克劉誕於鄴作此城以旌功又定誇城在鄴鎮東南周武帝平齊時所築西又有倉忙城

美

里城

在湯陰縣北九里亦名牖里史記紂囚西伯美里漢書地理志蕩陰有美里城西伯所拘

水經注美水東流逕美城北故美里也夏曰夏臺殷曰美里周曰囹圄皆園土也魏書地形志鄴有

臚里城臚羨聲相近古字通用邙城在湯陰縣東也括地志在湯陰縣北九里

之國史記周武王初封商紂子祿父殷之餘民注邙以封紂子武庚鄭唐詩箋周初自紂都朝歌而

北為邙國舊志今日邙城鎮在縣東三十里相近又有爵城相傳武王封爵功臣於此又有雀城在

縣東北開信社魏城石城在林縣西南八十五里在縣東北隆化社

秦拔我石城注正義曰括地志云石城在相州林慮縣西南九十里水經注淇水逕石城西北城在

原上帶礮陽城在林縣西北八十里水經注漳水澗枕淇礮陽城北王存九域志林慮縣

有礮陽務縣志宋端拱元年於此城置採造務採林慮北山村木又有雙泉務在縣南五十里淇水

之北採南山葛公城在林縣北七十里古名葛公材木今廢

亭水經注漳水逕葛公亭北

縣志葛公城在利城在林縣東北二十五里唐初

縣北七十里置鐵冶於此宋至和二年韓

琦奏罷之又有營城在縣北三十里毛城在武安縣西

十二里武城在縣北七十里漢建安九年

曹操攻鄴袁尚使武安長尹楷屯毛城趙簡子城

府志毛城即毛嶺在涉縣西四十五里趙簡子城

在涉縣東故殷城在內黃縣南亦名亶甲城史記

北二十里殷本紀河亶甲居相注正義曰

括地志云故殷城在相州內黃縣東南十三里即

河亶甲所築都之故名殷城也通鑑地理通釋安

陽縣亶甲城在洹水南岸又有河亶甲故都在臨

漳縣西南五十里又有亳城在縣西南二十五里

今為亳城集城柯城在內黃縣東北春秋襄公十

東有殷中宗陵柯城九年叔孫豹會晉士匄于柯

注魏郡內黃戲陽城在內黃縣北左傳昭公九年

東北有柯城戲陽城晉荀盈如齊逆女還卒于戲

陽注魏郡內黃縣北有戲陽城水經義陽郭 **蕘陽城** 在內

注白溝逕戲陽城東北謂之義陽郭南後漢書光武帝紀建武二年幸內黃大破五枝

於蕘陽郡國志內黃有蕘陽聚水經注淇水逕并陽城西世謂之辟陽城非也即郡國志所謂內黃

縣有并陽聚者也寰宇記永定縣蕘陽聚故城在今縣東按水經注并陽即蕘陽蕘并字相似并

辟音相似故傳訛耳其地在內黃南其戲陽則在內黃北唐章懷太子魏官在臨漳縣西鄴北城中

以蕘陽為即戲陽誤 **魏官** 水經注魏武封於鄴為北宮其外朝正 **九華宮** 在臨漳縣西故鄴城東北

殿曰文昌殿 故謂之九華梁沈約詩照耀三雀臺徘徊九華官是也舊志九華正殿曰顯陽殿又有逍遙樓披雲

樓玳瑁樓又明光宮亦虎所建晉永和七年劉顯攻丹閔於鄴軍於明光宮又赤橋官在今縣東南

七里石虎自鄴徙都襄國相去二百餘里每舍輒立一行宮並在今安陽臨津湯陰諸縣境

宮

在臨漳縣西南鄴南城內即東魏宮也城周六里其正殿曰太極殿

高歡避暑宮

在林縣西北黃華山插天峯下相傳高歡築以避暑其址猶存又武安縣有高歡避暑宮在縣南鼓

山之

太武殿

晉書石季龍載記咸康二年起太武殿皆漆瓦金鏹銀楹金柱珠簾玉壁

麓

窮極伎巧建元初季龍饗羣臣於太武殿前有白雁百餘集於馬道南水經注石氏於文昌故殿處

造東西太武二殿於濟北穀城之山採文昌石為基一基下五百武直宿衛屋柱跌瓦悉鑄銅為之

金漆圖飾馬冢宇記石虎於衛武故臺立太武殿窻戶宛轉畫作雲氣又作金龍吐酒於殿前金樽

可容五十斛供正會

西園

在臨漳縣西魏武所作曹植詩清夜遊西園飛蓋相追隨靈芝

園

魏武受封於鄴東置芳林園西置華林園在臨

靈芝園黃初二年甘露降於園中

華林園

漳縣

西魏武築芳林園後避齊帝諱改曰華林晉書石季龍運土築華林苑長牆於鄴北廣袤數十里起

三觀四門三門通漳水皆為鐵扉鑿北城引水於華林園太元九年慕容垂圍鄴飲於華林園東魏

武定三年高歡來朝魏主宴之於華林園鄴中記齊武成增飾華林園若神仙所居遂改仙都苑苑

中封土為五岳五岳之門引水分流四瀆曰四海滙為大池曰大海寰宇記鄴縣華林苑石季龍築

苑垣周旋數十里高齊時名遊豫園有凌雲城金花洲光碧堂飛雲殿御宿堂五迴路蘿蕪島杜若

洲貧人村皆在華林苑中元武苑在臨漳縣西魏武所築左思

水經注洹水枝津逕魏武元武故苑寰宇記鄴縣元武苑新河水所經亦魏武帝新渠有釣臺曲池

馬東明觀

在臨漳縣西石虎建晉升平三年慕容儁發虎墓購其尸得之東明觀下水經

注東城上石氏立東明觀觀上加金博山謂之鏘天又晉建元初石虎大閱於宣武觀永和五年石

閔以兵守其主鑿於御龍觀皆在鄴城又清都觀有戲馬觀凌霄觀如意觀昏石虎所築

在臨漳縣西鄴中記清都觀在閭闔門上其觀兩相屈曲為閣數十間連闕而上觀下有三门門扇

以金銅為浮漚釘懸鐸振響天子講武觀兵及大赦登觀臨軒其上坐容千人下亦數百門外御路

直南及東西兩旁有大槐柳十步飛仙臺在府治一株清陰合其上綠水流其下

文宋杜純築公暇與官僚登眺望之若飛仙時人因以名之又有紅芳亭亦純建又府治內有思古

臺宋太守涼馬臺在安陽縣北寰宇記安陽縣有馮元建涼馬臺石虎所造以涼馬府志

在縣北十二里又有髑髏臺在縣西南二十八里相傳高歡敗尔朱榮所築今俗訛為獨樂臺村

三臺

在臨漳縣西南鄴城內西北隅三國志魏建安十五年作銅雀臺十八年作金虎臺其後

又作冰井臺相去各六十步其上複道樓閣相通中央懸絕晉咸康初石虎徙鄴名銅雀臺曰鶴雀

臺升平元年慕容儼都鄴復作銅雀臺北齊天保七年修廣三臺宮殿三年乃成更名銅雀曰金鳳

金虎曰靈應水井曰崇光河清二年詔以三臺宮為大興聖寺後周建德六年周主入鄴詔毀三臺

宮殿惟土阜存焉李善曰銅雀園西有三臺中為銅雀臺高十丈亦曰中臺南為金虎臺高八丈亦

曰南臺北則水井臺高八丈亦曰北臺上有水鬪室臺有數井藏冰及石壘又有粟窖及鹽窖云鬪

雞臺

在臨漳縣西南漳水東五里曹植詩鬪雞東郊道鄴中記廣門南有元武池次東北五里

有鬪雞臺 閱馬臺 在臨漳縣西水經注漳水逕閱石虎作馬臺西基高五丈列觀其上石

虎每講武其下升觀望之自於臺上放鳴鏑之矢為軍騎出入之節通志一名戲馬臺又有看臺在

鄴城東南十五里又名榼臺 靈風臺 在臨漳縣西石虎起靈風臺九殿於顯陽殿後置女

官十有八等教官人星占及馬步射置女太史於靈臺仰望災祥以察外太史之虛實 仰觀

臺 在臨漳縣西東魏興和元年築相近又有青牛臺 演易臺 在湯縣北羗

演易處 本朝 乾隆十五年

聖駕巡幸河南經此有石聖臺 在武安縣南御製演易臺謁周文王祠詩勒石 金泰和中鳳

鳳見 逍遙樓 在臨漳縣西石虎建鄴中記九華宮此 北有逍遙樓南臨官宇虎每獵獲珍

欽定四庫全書

卷一百五十六

禽奇獸歸大宴鄴城樓上酒酣北望漳水極目遊
戲謂羣臣曰真道遙之奇觀也逍遙樓北有披雲

樓南連殿闕北矚城池
縹欄凌雲彤彩接霧
齊午樓 在臨漳縣西亦名
齊斗樓水經注北

城上有齊午樓超出羣榭孤高特立其城東西七
里南北五里飾表以磚百步一樓凡諸宮殿門臺

隅雉皆加觀榭層甍疊宇飛檐拂雲圖以丹青色
以輕素當其全盛之時去鄴六七十里遠望臺亭

巍若
仙居 紫金樓 在武安縣北
殷墟 在安陽縣北汲冢
於北冢曰殷墟史記項羽本紀章邯使人見項羽

欲約項羽乃與期洹水南殷墟上注應劭曰洹水
在湯陰縣界殷墟故殷都也瓚曰洹水在安陽縣

北去朝歌都一百五十里此殷墟非朝歌也水經

注洹水逕殷墟北括地志安陽城西有城名殷墟
即所謂北冢南去朝歌百四十六里按通鑑地

理通釋引春秋桓公十二年公會宋公于虛據杜注虛宋地疑當在今歸德非此殷墟也殷墟乃盤

庚所都御覽寰宇作紂都考紂都在今衛紫陌在輝與此相距百里蓋亦屬都畿之內也紫陌臨

漳縣西本名祭陌水經注漳水逕祭陌西戰國時俗巫為河伯取婦祭於此陌西門豹為鄴令投巫

於河中淫祀雖斷地留祭陌之稱馬田融以為紫陌也石趙建武十一年造紫陌浮橋於水上後魏

永安末高歡克鄴城出頓紫陌齊天保七年南巡百官辭於紫陌後周建德六年伐齊師至紫陌橋

通鑑地理通釋紫陌在鄴西翁村在內黃縣北今名翁村漢書

年封翁侯趙信考武元光四年浣衣里在湯陰縣封史記索隱翁漢表在內黃

記湯陰縣浣衣里晉侍中嵇紹葬所按鄴中記惠帝師敗蕩陰千官皆走獨紹端冕帝側以身捍主

遂至見害血濺御衣及事寧左右欲浣之帝曰此
嵇侍中血勿去也詔葬縣南因名此里為浣衣里

府志浣衣村在湯
陰縣西南七里
會盟亭 在安陽縣北洹水上楚

作亭
其處
安陽亭 在臨漳縣界晉書石季龍載記石遵
至安陽亭張豺懼而出迎遵命執之

擁翠亭 在林縣隆慮山
一峯之半宋建
五松亭 在林縣治西
南元李弼建
樂山

亭 在林縣西元道士高道崇建王
沂為記亭中望西山歷歷在目
孫登石室 在安陽縣

西四十八里仙人
澗南深廣可一丈
曹洪故宅 在府城內窠宇記安
陽縣曹洪宅隋圖經

云曹洪宅南有景
穆寺西有石竇橋
斛律故宅 在臨漳縣西今為
南北斛律二村
魏

徵故宅 在府城內窠宇記安陽縣魏徵宅徵
鹿人有宅存後為唐睿宗潛龍之第
鉅韓

琦故宅

在府城東南隅宅有清風樓御書亭休逸臺有畫錦堂歐陽修為記醉白堂蘇軾為

記又有康樂園忘機堂堂前有狎鷗觀魚雙桂堂

二亭又有抱螺臺形如水螺盤曲而上
在湯陰縣治東府志元許熙載故
居子有壬有孚相繼登進士因建

欽定大清一統志卷一百五十六

欽定四庫全書

欽定大清一統志卷一百五十七

彰德府二

關隘固鎮關

在武安縣西五十里即固鎮鎮據太行之險道出澤潞遼沁諸州明設巡司

博望關

在內黃縣東南博望岡上接衛輝府汲縣界

天禧鎮

在東陽縣西南四十

里宋天禧中徙林慮北齊鎮於此因名王存九域志安陽縣有天禧鎮

豐樂鎮

在安陽縣

聖駕巡幸河南經此有西四十里接直隸磁州界本朝乾隆十五年

御製

豐樂鎮詩勒石

回隆鎮

在臨漳縣東南五十里接內黃縣界南臨御河舊名御河鎮明嘉靖

中改置總兌河南
糧儲道駐於此
鄴鎮在臨漳縣西南四十里
即古鄴縣西屬安陽
宜

溝鎮

在湯陰縣南二十五里有城明崇禎八年築
本朝雍正十二年置巡司以驛丞兼理

鶴壁鎮

在湯陰縣西北五十里金史地理志湯陰
縣有鶴壁鎮又五陵鎮在縣西南五十里

索堡鎮

在涉縣西北又井店
鎮在縣東北二十里
高堤鎮在內黃縣西
四十里衛河

瀕河南糧運皆經於此為津途要隘又泊口鎮在
縣北五十里接直隸元城縣界明置河泊所今廢

尾尖寨

在府城東地當要衝徑路險隘明建文三
年遣兵扼尾尖寨以塞燕師餉道即此

馬武砦

在湯陰縣南元史天澤傳天澤攻
武仙取蟻尖馬武等砦而相銜降
蟻尖

砦

在林縣西北四十里倚陽山巔金末置砦於此
元光二年林州蟻尖寨衆亂張開撫定之又鷄

冠岩在縣西北四十五里
元至正中鄉人避兵處
黃澤岩 在武安縣西北一百二十里接

山西遼州界山勢盤曲亦名十八盤宋史地理志
武安有固鎮永安黃澤海回四砦元時立黃澤關

割屬遼州李靖堡 在內黃縣西南三十里又單雄信營
在縣北二十餘里相傳單雄信常駐

兵於新口 在武安縣西唐會昌三年討劉稹於澤
潞自遼州開新路達磁州武安謂之新

口光化五年朱全忠攻李克用使
張文恭引魏博兵入自新口是也
吾兒峪口 在涉

南二十餘里元至正中察罕特穆爾屯上黨塞吾
兒峪明洪武中置巡司於縣北三十里偏店關嘉

靖十九年移此有守備駐劄
罕特穆爾舊作察罕帖木兒今改
毛嶺口 在涉縣西北接

山西黎城縣
界有邊牆
藜城驛 在安陽西南
宜溝驛 在湯陰縣南二十五里有

驛丞又置宜溝速運所

臨漳驛

在縣治

武安驛

在縣治

涉縣驛

在縣

治榆林店

在臨漳縣西南四十里五代史晉紀開運二年馬全節及遼兵戰於榆林又皇

甫遇傳遇等規賊渡漳河至榆臨清棧在林縣西林店布陣力戰救者至乃得還南八十五

里又西南至陵川縣八十七里史魏社在林縣南五十里元至正七年置巡司明洪武十一

年廢紅磬場在湯陰縣西南山中周二里產紅磬充貢相近又有蒐窰場今廢

津梁永和橋

在安陽縣東永和鎮

安陽橋

在安陽縣北四里安陽河上亦名洹橋石

晉開運二年遼兵犯相州晉步卒五百人守安陽橋元至元間伐宋改建東徙里許更名鯨背橋許

有壬建隆橋在安陽縣北四長橋在臨漳縣東漳有記十里跨漳水河上唐書建中

二年馬燧等討田悅軍於漳濱悅遣王光進築月城以守長橋燧於下流以鐵鑠維車數百輛絕河

載土囊過水而後渡縱兵擊悅敗走王光進以長橋降紫陌橋在臨漳縣西二里混

橋在臨漳縣西故鄴城東北晉書姚弋仲載記丹閔之亂弋仲率眾討閔次於混橋伏道

橋在湯陰縣東十五里優曇橋在湯陰縣東二十里高曠橋在湯陰縣東二十五

里宜師溝入湯水處永通橋在湯陰縣南廣濟橋在湯陰縣北湯水上

天生橋在林縣東斷金橋忘歸橋俱在林縣西跨洹河

潤升龍橋在林縣西南白龍橋在武安縣北門外明永樂間建丈

濟橋在武安縣北五十里郭口橋在涉縣東集賢橋在內黃縣東門

外又廣惠橋在縣南門外皆通硝河

堤堰

絲堤 在府城東樂史太平寰宇記安陽縣絲堤所築以捍孟門外今謂之三刃城舊志

在永和鎮東

景公堤

在臨漳縣南二里許明宏治間知縣景芳築以護城綿亘四十五里

萬歷二十五年漳水逼城知縣秉應泰增築又有務本堤在縣西南務本村漳城堤在縣西南十五

里 **秦王堤**

在林縣西十里約長五里

高堤

在內黃縣西北衛河

南岸西南起高堤鎮東北接泊口鎮長百里以防衛河泛漲又有古金堤在縣東一里東北接衛河

石竇堰

在臨漳縣西亦名石竇橋左思魏都賦石杠飛梁出控漳渠注魏武於鄴西十里引

漳水為渠東入鄴城徑宮中分南北二溝夾道東行出城所謂石竇也晉永和六年冉閔之亂後趙

將張賀墟石竇下注之澧水魏書地形志鄴有石竇

堰

天井堰

在臨漳縣西水經注魏武遏漳水迴流東注魏天井堰二十里中作十二磴磴

相去三百步今互相灌注一源分為十二流皆懸水門水所溉之處名曰晏波澤寰宇記紫陌橋之

下有天井堰

陵墓殷中宗陵

在內黃縣西南二十五里高一丈五尺宋開寶間樹碑梁周翰撰文

河亶甲陵

在湯陰縣北五里府志府城西北開元寺後有河亶甲冢在洹水南未知孰是

三國魏武帝西陵

在臨漳縣西三十里又省志講武城外有疑冢凡七十二處森

然彌望高者如小山列布直至磁州而止

文帝陵

在臨漳縣西南十里彭城村甄后

陵 在臨漳縣西寰宇記鄴有三陵即魏武帝文齊

神武陵 在臨漳縣南鼓山通鑑高歡卒高澄虛葬

旁為穴納其柩而塞之 古丹朱墓 在安陽縣東李吉甫元和

縣東一里 周扁鵲墓 在湯陰縣東南 楚宋義墓 在北楚王鎮 漢張

耳墓 在安陽縣東二十里周一 周窳墓 在林縣南

杜喬墓 在林縣北 樂巴墓 在安陽縣永和鎮東有廟 袁紹墓 和林

志在臨漳縣西北十六里 晉嵇紹墓 在湯陰縣西南寰宇記湯

所 奠佛圖澄墓 在臨漳縣西晉書佛圖澄傳澄自起

一年為佛圖澄先生墓於紫陌
建武十五年卒葬焉即此地也
後周尉遲迴墓在臨

漳縣界
唐李君羨墓在武安縣北得義里
宋韓令坤墓在武安縣北

韓國華墓在安陽縣西水冶鎮
韓琦墓在安陽縣西子忠產等附元一統志在舊

補巖城
陳薦墓在武安縣東
周回墓在湯陰縣東二十里入岳飛祖塋亦在此

金胡礪墓在武安縣西
元杜瑛墓在安陽縣西王裕村
許熙載墓

在府城武安村
子有壬附焉
明崔銑墓在安陽縣城西郭朴墓在府城北韓陵

山東
佛母冢在臨漳縣西窠宇記鄴縣黃仙母冢
在臨漳縣西窠宇記林慮縣黃花谷內有仙母冢
顏修內傳云仙母即仙人王津母也冢前有樹九

存 株

祠廟媯皇廟

在涉縣北二十里

堯廟

在安陽縣東四十里金永安二年建曹學佺名

勝志堯廟有古碑刻
金趙秉文作祠記

湯廟

有二一在林縣南元大德間建一在內黃縣西

北金泰和四年建明嘉
靖六年移於楚王鎮

商王廟

在府治東南甲周文

王廟

在湯陰縣北十里明統
志廟後方城即姜里

魏孝文廟

在安陽縣大孟村帝

南征時駐蹕於此
後人立廟祀之

比干廟

在涉縣北十五里按
舊統志有比干墓注引

魏志武帝紀云車駕幸鄴經比干之墓親為弔文
樹碑而刊之然考比干墓在今衛輝府魏志言辛

鄴而經過比干墓非謂墓
在鄴也刪去而附注於此

蘧公祠

在內黃縣城內祀蘧伯玉

扁鵲廟

在湯陰縣東南十五里

白起廟

在武安縣城內蘭相如廟在

陽縣西五十里名勝志相如之家廟也子孫散處其旁歲時祀之

西門豹祠

在臨漳縣

西十五里明宏治中以史起祠食題曰鄴二大夫祠水經注漳水逕西門豹祠前祠東側有碑隱起

為字祠堂東頭石柱勒銘曰趙建武中所修也

楚王廟

在內黃縣西北三十里楚王鎮祀項

羽張騫廟

在湯陰縣東三十里

郭巨廟

在林縣南關建樂巴廟

在內黃縣西嵇紹廟

在臨漳縣西南七里

尉遲迴祠

在府西

北有顏真卿碑蔡有隣書在祠前石刻存

李衛公廟 有二一在武安縣 徘徊鎮俗稱靈顯

王祠一在涉縣馬舖村俱祠唐李靖韓忠獻公廟在府治東南畫錦坊祀宋韓琦岳

忠武王廟

在湯陰縣治西南府志舊在南關外明景泰初移此本朝乾隆十五年

聖駕巡幸河南經此有御製岳武穆祠詩勒石王母祠在林縣西北寰宇記在

志墓在黃華谷

寺觀靈泉寺

在安陽縣西南唐景龍中建

乾明寺

在安陽縣西南五代周顯德中

建孝親寺

在安陽縣西宋大中祥符初建

定國寺

在安陽縣東北韓陵山東魏高

歡所建有溫子昇旌功碑

清行寺

在臨漳縣仁壽里唐貞觀中建

興隆寺

有二一在

湯陰縣東宋皇祐中建一在武安縣西魏武定四年建

栢林寺

在湯陰縣南陽村隋開

皇元年建西明寺

在湯陰縣西南北齊武平二年建

法隆寺

在湯陰縣西唐貞觀

二十四

崇善寺

在林縣曲陽社俗名上莊寺唐永昌中建

妙覺寺

在武安縣

治東宋元祐中建門外浮圖十三級

常樂寺

在武安縣南鼓山即高齋石窟寺天統中改名

智力寺宋嘉祐中又改今名金胡礪有碑記

禪果寺

在武安縣西北魏高歡所建後唐

天成年重修洪福寺

在涉縣北唐開元中建

奉聖寺

在涉縣北青龍山宋大中

初建祥符明教禪院

在林縣西天平山碧霄峰下晉天福中建今改名天平寺

延壽

宮

在林縣西天平元至大初建

太虛觀

在安陽縣西北元至順初建

葆光觀

在湯陰縣西鶴壁社明統志葆光觀在湯陰縣西二十里唐天寶中建金大定間重修蓋晉祿登學

道之所有嘯臺又煉丹井白雲洞存焉

棲霞觀

在林縣西棲霞谷周末仙人盧子綦隱居

之洞陽觀在涉縣東南三十里元延祐三年建玉虛觀在涉縣西五里宋淳熙元

年建太清觀在涉縣北宋大中祥符五年建

名宦漢京房

頓邱人元帝時為魏郡太守得以考功法治郡房自請願無屬刺史得除用地

郡人自第吏千石以下歲魏鉞期郡人光武時為魏

京謀欲反薊城期發兵擊破之進擊繁陽內黃郡界清平大吏李熊薊中之豪其弟陸謀欲反城迎檀

鄉期召問熊熊首服願就死使吏送熊出城熊行求得陸將詣薊城西門陸愧感自殺以謝期期以

禮葬之而還熊故張圃細陽人和帝初遷魏郡太守職郡中服其威信

尉奏免執金吾竇景景後復位遣掾夏猛私謝圃曰鄭據小人為所侵寬聞其兒為吏故縱狼藉取

是曹子一人足以警百黼大怒即收猛繫獄檄言
執金吾府疑猛矯稱卿意以報私仇會有贖罪令

猛乃葛龔

寧陵人永初中拜蕩陰令居縣有政績

黃香

安陸人延光元年遷魏郡

太守郡舊有內田因田歲收穀數千斛香曰食祿
之人不與百姓爭利迺悉以賦人課令耕種時被

水年饑迺分俸祿及所得賞賜班贍貧者於
是豐富之家各出義穀助官廩貸荒民獲全
峯熙

棘陽人順帝時遷魏郡太守招聘隱逸與叅政事
無為而化視事二年與人歌之曰我有枳棘峯君

伐之我有蠱賊峯君遏之狗吠不驚足下生芻舍
哺鼓腹焉知凶災我喜我生獨丁斯時美矣峯君

於戲陳球

淮浦人陽嘉中遷繁陽令時魏郡太守
諷縣求納貨賄球不與太守怒而檟督

郵欲令逐球督郵不肯曰魏郡十五城獨繁陽有
異政今受命逐之將致議於天下矣太守乃止

高彪

無錫人靈帝時遷內黃令到官三國魏楊沛

萬年人魏武出征在譙聞鄴下頗不奉科禁乃發

遣家馳騎告子弟使各自檢勅沛王修營陵人魏

郡太守為治抑強扶弱陳矯東陽人魏武時遷魏郡

惜輕重之理而忽久繫之患可謂謬矣悉自覽罪

狀一時賈逵襄陵人文帝即位以逵為鄴縣戶數萬在

魏郡太守魏郡官屬聞逵當為郡舉府皆詣縣門

外逵出門悉當門謁逵於車下逵抵掌曰詣治所

何宜徐宣海西人文帝初為魏郡太守或言可易

諸城守用燕沛人宣厲聲曰今者遠近

一統人懷効節何必黜沛而沮宿衛
者心文帝聞曰所謂社稷之臣也
鄭渾開封人文帝時

轉魏郡太守以郡下百姓苦乏材木乃課樹榆為
籬並益樹五果榆皆成藩五果豐實民得財足用

饒明帝聞之下詔
稱述布告天下
晉唐彬鄉人太始初出補鄴令

喬智明鮮卑前部人惠帝時為隆慮令縣人愛之

有妻無子智明愍之停其獄歲餘令兒將妻
入獄於獄產一男會赦得免其仁感如是
南北

朝魏游肇廣平任人高祖時出為北府長史兼魏

甚有聲迹張蒲河內修武人太武即位以蒲清貧妻子

善黜惡教化大行卒
於官吏民痛惜之
李訢范湯人文成時為相州

之上疏請州郡各立學官使士望之流就而受業其經藝通明者貢之王府書奏從之政為諸州之

最陸馥

代人興安初為相州刺史為政清平抑強扶弱州中有宿老重望以友禮待之得十

人為耳目發姦摘伏事無不驗李平頓卽人宣武時司徒

長史行相州事勸課農桑修飾太學簡試通儒以充博士圖孔子及七十二子於講堂親為立贊

北齊赫連子悅

勃勃之後除林慮守世宗往晉陽路由是郡因問所不便子悅答云

臨水武安二縣去郡遙遠山嶺重疊車步艱難若改屬魏郡則地平路近世宗笑曰卿徒知便民不

覺損幹子悅答曰所言因民疾苦不敢以私潤負公心世宗云卿能如此甚善甚善仍敕依事施行

隋梁彥光

烏氏人高祖時轉相州刺史彥光前在岐州秦課為天下第一及居相如却岐州

法鄴都雜俗作變詐為之作歌稱其不能理化上
聞而譴之竟坐免歲餘拜趙州刺史彥光請復為

相州上從之豪猾者聞彥光自請而來莫不喏笑
彥光下車發摘姦隱有若神明合境大駭招致山

東大儒每鄉立學非聖哲之書不得教授及大比
當舉行賓貢之禮又於郊外祖道并以財物資之

於是人皆尅厲風俗大**蔡叔畧**陳留人高祖時遷
改吏人感悅畧無爭訟

時第一上降璽書褒美之百姓為之語曰智無窮
清鄉公上下正**蔡安**定徵拜司農卿吏民莫不流

涕相與立碑 **長孫平**洛陽人高祖時鄴都舊號難
頌其德政 治前後刺史多不稱職朝廷

以平所在善稱轉相 **薛胄**汾陰人開皇中檢校唐
州刺史甚有能名 相州事甚有能名

呂珉武德二年竇建德連突厥 **房晃**武德五年劉
侵相州刺史呂珉死之 黑闥陷相州

刺史房安陸人許圜高宗時遷相州刺史專以

晃死之寬治州人刻石頌美部有受賊者

因師不忍按但賜清白其李景咸亨三年為相

人自愧後修飾更為廉士州刺史開高平

金鳳萬金諸渠引洹李仁綽咸亨四年為臨漳令

水溉田民獲其利開菊花利物二渠引

田平渠水以溉裴懷古壽春人武后時徙相

田民甚德之州刺史史吏民懷愛宋璟

南和人中宗時歷相州刺史張嘉祐特氏人開元末

刺史清毅史下無敢犯者為相州刺史舊

刺史多死官衆疑畏嘉祐以周總管尉遲迴死國

難忠臣也立祠房解祓衆心後吳兢為刺史又加

神冕服王燾鄆人天寶中歷鄴田廷玠盧龍人與

遂無患郡太守治聞於時承嗣為從

昆弟大歷中徙相州刺史承宋錢文敏新安人太

嗣盜磁相廷玠無所回染祖時歷相

州錄事參軍先是府帥多以筆牘私取官庫錢韓重贇領節制頗仍其弊文敏不從重贇假他事廷

責之文敏不為屈**索**相鹽山人太宗時知相州時太宗嘉其有守

州河橋入攻磁相州白晝抄劫鄰郡發兵捕逐無敢近相擇州軍得精銳三百人偵其入境掩擊盡

之擒**韓億**雍邱人真宗時知相州河北旱轉運使某不以寔閑億獨言歲饑願貸民租賦請賑

崔立鄆陵人真宗時歷知相州**王獵**長垣人仁宗識韓琦於布衣人服其蓋

縣依山俗以菟田為生不知學獵立孔子廟擇秀民誨之漢杜喬墓在境中往奠謁建祠其旁居官

無絲髮擾吏民愛**高化**真定人仁宗時知相州部信共目為清長官有大獄已具皆當論死化

疑之遣移訊果**李復圭**豐人仁宗時徙知相州自出無罪者三人太宗時聚夏人降者五指

揮號聽子馬子弟相承百年無他役
復圭斥不如格者選能騎射士補之
趙不試 太宗六世

孫建炎元年知相州金兵大入州久被圍軍民無
固志不試謂之曰今城中食乏外援不至不試宗

子也義不降計將安出眾不應不試知事不可為
遂登城與金兵約勿殺許之既啟門乃納其家井

中然後以身赴井命提轄**金田灝** 興中人太祖時
官實以土州人皆免於死

使是時新定力役灝獨籍之半而
上之故相之繇賦比他州獨輕
梁肅 奉聖州人
世宗時為

肅德軍節度使召拜參知政事上謂侍臣曰梁
肅以治入異等遂至大任廉史亦可以勸矣
洪

郭玖柱 臨潢人明昌中知彰德府事戰歿
洪郭玖柱舊作黃摑九任今改
圖們色

勒 咸平路明安人永安中徙知彰德府事貞祐四
年元兵復取彰德色勒死焉圖們色勒舊作陀

滿斜烈明安舊

元王琚仁

河間人延祐間為涉尹在職二載流民復業者

百四十餘戶游汜之役計民之貧富以上中下為則百姓便之

明蔡誠

巢縣人洪武初知安

陽縣時百姓新附田蕪不治誠買耕牛給貧民由是地闢民富凡縣廨學校皆誠所建

劉安

零陵人永樂中為武安知縣嘗以事逮詔獄民相謂曰廉官去矣吾儕安歸多相攜逃山中後安事

釋復任逃者皆返奏最為河南第一卒於官

葛守禮

德平人嘉靖中授彰德推官巨盜誣

富家株連以百數守禮盡出之藩府獄久不決御史以屬守禮一訊即得乃大驚服冬至趙王戒百

司朝服賀守禮獨不可乃止

許文獻

長洲人嘉靖間為涉縣知縣性狷介不受一錢童僕

常至饑寒去任家人取種立命發回人稱其廉

袁應泰

鳳翔人萬曆中授臨彰知縣築

長堤四十餘里捍禦漳水袁化中武定人萬歷中知曹鳴鶚

六年流賊犯武安守備曹鳴鶚戰死

本朝王象天

富平人順治四年知臨漳縣河決壞民田力請蠲賦協濟磁川驛站縣人詣州

供役甚苦之請仍舊例解銀免役不果遷太僕丞去後令萬廷仕復請之象天為言於部得報允後

督湖廣學政過邯鄲漳高啟元萊陽人康熙十二年知安陽縣勸墾民越境迎之老弱塞路

荒除雜派大兵征滇逆休士四李适壽光人為十日芻校悉自捐脩不以累民

政仁恕務與民休息歲終胥吏以荒地羨金三千進适叱却之以充來歲額賦又申減學田歲征之

半立五社課士文學蔚興遷官張淋上蔡人知內去行李蕭然邑民立祠祀之

黃縣性方嚴

人不致干以私邑賦役久不
均淋按田分里民甚便之

人物漢蓋寬饒

字次公魏郡人明經為郡文學以孝廉為郎舉方正對策高第遷諫大夫

擢司隸校尉刺舉無所避平息侯許伯入第衆皆賀寬饒後至曰無多酌我我乃酒狂坐客皆屬目

寬饒為人剛直高節志在奉公家貧奉錢月數千半以給吏民為耳目言事者身為司隸子常步行

自戍北邊公廉如此是時上方用刑法信任中尚書宦官寬饒奏封事上以寬饒怨謗遂下寬饒吏

寬饒引佩 杜鄴 字子夏繁陽人鄴少孤其母張敞刀自剄 女鄴從敞子吉學問得其家書以

孝廉為郎與車騎將車王音善舉侍御史遷涼州刺史元壽元年詔舉方正直言扶陽侯韋育舉鄴

方正未拜中歷位列卿至大司空 馮勤 字偉伯雅材建武中歷位列卿至大司空 有勤繁陽人

八歲善計初為太守銚期功曹有高能稱期常從
先武征伐政事一以委勤薦於先武除為郎中給
事尚書以圖議軍糧在事精勤遂見親識拜尚書
僕射職事十五年以勤勞賜爵關內侯累遷司徒
勤愈恭約盡忠號稱任職勤母年八十每會見詔
勅勿拜令御者扶上殿謂諸王曰使勤貴寵者此
母也其見親重如此中

臺佟

字孝威鄴人隱於武安山鑿穴為居採藥

自給建初中州辟不就刺史行部乃使從事致謁
佟載疾往謝刺史乃就贅見佟曰孝威居身如是
甚苦如何佟曰佟幸得保終性命存神養和如明
使君奉宣詔書夕惕庶事反不苦耶遂去隱逸終
不見杜喬字叔榮林慮人少為諸生舉孝廉辟司徒
府累官大司農時梁冀子弟五人及中常
侍等以無功並封喬上書諫不省建和元年代胡
廣為太尉桓帝將納冀妹冀欲令以厚禮迎之喬

不聽因此日忤於冀李固見廢內外喪氣惟喬正
色無所回撓由是海內歎息朝野瞻望焉在位數
月免宦者唐衡左愴等共譖於帝梁冀遂訊
有司劾喬及李固與劉鮪等交通繫死獄中霍諝
字叔智勃人年十五詣舅宋光坐繫獄諝怒舅寃
奏記梁商商高諝才即奏原光罪由是顯名累官
金城太守再遷北海相入為尚書僕射是時大將
軍梁冀貴戚秉權自公卿以下莫敢違悞諝數奏
其事又因陛見陳聞罪失及冀誅後桓帝嘉其忠
節封鄴都亭侯前後固讓不許出為河南尹遷司
隸校尉轉少**樂巴**字叔元內黃人性質直學覽經
府廷尉卒官**典**拜郎中四遷桂陽太守荊州
刺史李固薦巴治迹徵拜議郎守光祿大夫遷沛
相所在有績徵拜尚書靈帝時竇武陳蕃被誅巴
上書極諫理陳竇之寃**審配**字正南魏郡人少忠
帝怒收付廷尉巴自殺

節來紹領冀州以配為治中甚見器任紹卒配等奉尚為嗣尚使配守鄴曹操進攻鄴鑿塹圍城引漳水以灌之配令士卒堅守死戰操出行圍配伏弩射之幾中凡子榮開門納操兵生獲配操意欲活之配意氣壯烈終無撓之**晉**邵續字嗣祖安陽人辭見者莫不歎息遂斬之續字嗣祖安陽人覽經史善談理義妙解天文初為成都王穎參軍王浚假續樂陵太守石勒破浚續孤危無援權附於勒勒亦以其子又為督護既而段匹磾遣書要續俱歸元帝續從之其下諫曰今棄勒歸匹磾任子危矣續垂泣曰我出身為國豈得顧子而為叛臣哉遂絕於勒勒乃害又元帝以續為平北將軍假節勒遣季龍乘虛圍續季龍掠其居人續率眾出救遂為所得使續降其城續呼兒子竺等曰吾志雪國難以報所受不幸至此汝等努力自勉勿有二心季龍遣使送續於勒勒厚撫之久之竟遇

害
南北朝魏孔伯恭

鄆人父昭以密皇后親賜爵汝陰侯性柔曠有才用為趙

郡太守進爵魯郡公伯恭以父任拜給事中顯祖初領鎮東將軍率兵援彭城破劉彧將張永沈攸

之等進攻下邳宿豫擢散騎常侍都督徐南兗北州諸軍事卒贈鎮東大將軍東海王謚曰桓

齊慕容儼

字恃德清河都人容貌出羣衣冠甚偉顯學兵法工騎射魏河間王元琛辟為左

廂軍破梁將馬元達等累有功累遷安東將軍天保初除開府儀同三司遣鎮郢城人信阻絕城守

孤懸儼導以忠義信賞必罰人無異志顯祖召還封成陽郡公儼從征討每立功効有將帥之節卒

贈司徒尚書令周申儼
字世儀魏郡人少與母居盡力孝

孝武初為大行臺郎中時軍國草創幕府務殷四方

尚書檄皆蔽之詞也大統十二年拜瓜州刺史徵兼

官案牘無大小皆親自省覽以是事無稽滯吏不
得為奸後雖歷公卿此志不懈歷小司空少保卒

章諡曰隋陸彥師字雲房臨漳人少有行檢魏襄城

哀毀殆不勝喪兄弟相率廬墓負土成墳齊文宣

表其廬號其所住為孝終里歷中書黃門侍郎以

不阿宦者出為中山太守高祖受禪拜吏部侍郎
隋承周制官無清濁彥師在職凡所任人頗甄別

於士庶論者美之兄邛博覽羣書善屬文邛子又

於五經最精熟人為之語曰五經無對有陸又
陸爽字開明臨漳人少聰敏九歲就學日誦二千

餘言周武帝聞其名與楊休之等十餘人俱
徵入闕諸人多將輜重爽獨載書數千卷至長安
授宣納上士高祖受禪遷太子洗馬與宇文愷等

撰東宮典記七十卷朝廷以其博學有口辯陳人
至境常令迎勞開皇十一年卒官子法言敏學有

家風釋褐

馬光

字榮伯武安人少好學晝夜不息
尤明三禮開皇初授太學博士高

祖幸學光升坐講禮諸儒以次論難光剖析疑滯
承奉郎諸儒咸共推服後數年丁母憂歸鄉里

有終馬之志

杜正元

字慎徽鄰人世以文學相授
正元尤聰敏博涉多通兄弟

數人並以文章才辯藉甚三河之間開皇末舉秀
才尚書試方畧正元應對如響下筆成章僕射楊

素負才微物正元抗辭酬對無所屈撓素甚不悅
會林邑獻白鸚鵡素促召正元令作賦正元倉卒

之際授筆立成辭理華瞻素歎曰此真秀才吾不
及也授晉王行叅軍轉豫章王記室卒官弟正藏

字為善好學善屬文大業中應詔舉秀才著碑誌
銘頌詩賦百餘篇又著文章體式大為後進所寶

時人號為大軌乃至海外高麗堯君素湯陰人場

百濟亦共傳習稱為杜家新書

時君素以左右從及嗣位累遷鷹擊郎將大業末署河東通守唐遣呂紹宗韋義節等攻之圍甚急又賜君素金券待以不死君素卒無降心其妻至城下招之君素引弓射應弦而倒泣厲將士誓以

死守歲餘城中乏食為其左右所害唐傳奕鄴人隋開皇中以儀曹

風高祖為扶風太守禮之及即位拜太史丞遷令上疏極誠浮屠法貞觀十三年卒臨終自誌曰傳

奕青山白雲人也奕雖善數然嘗自言其學不可與傳武德時所改漏刻定十二軍號皆詔奕云

戴胄字元引安陽人性堅正幹局明強隋末王世充謀篡切諫不納太宗引為府士曹叅軍擢

大理少卿胄犯顏據正叅處法意至析秋毫隨類措摘言若泉湧帝益重之遷尚書左丞矜其貧賜

錢十萬胄所數紬緣政得失咸有可觀奏已即削
藁檢校吏部尚書卒諡曰忠子至德乾封中累遷

西臺侍郎同東西臺
三品卒諡曰恭
李君羨
武安人高祖授上輕
車都尉秦王引置左

古從破宋金剛於介休加驃騎將軍從討王世充
為馬軍副總管從破竇建德劉黑闥所向必先登

摧其鋒累授左衛府中郎將突厥至渭橋君羨與
尉遲敬德擊破之太宗曰使皆如君羨者敵何足

憂改左武侯中郎將封武連縣公在任讀書不休
帝嘉勞歷蘭州都督左監門衛將軍華州刺史

鄧世隆
相州人隋末變姓名號隱元先生棲白鹿
山貞觀初召授國子主簿與崔仁師慕容

善行劉愷庾安禮敬播俱為修
史學士歷衛尉丞終著作郎
李延壽
相州人貞
觀中歷御

史臺主簿兼直國史初延壽父大師多識前世舊
事思擬春秋編年刊究南北事未成而歿延壽乃

追終先志作南史北史二書合百八十篇上之其書甚有條理刑落釀辭過本書速甚遷符璽郎兼修國史卒嘗撰太宗政典高宗觀之咨美直筆賜其家帛五十段

馮元常

安陽人舉明經

及第高宗時歷尚書左丞嘗秘奏中宮權重宜少抑由是為武后所惡元常在職修舉識鑒澄遠帝

委遇特厚武后擅朝出為隴州刺史徙眉州轉廣州都督凡三徙終不得至京師卒為酷吏周興所

陷下獄死從弟元淑武后時歷清漳浚儀始平三縣令所至不挈妻子斥俸餘以給貧窮人咸譏其

近名元淑曰吾性也

王同皎

安陽人長安中尚太子女定足郡主桓彥

範等誅二張遣同皎迎太子太子猶豫同皎即扶上馬從至元武門斬闖入兵趨長生殿太后所奏

誅易之等狀帝復位封琅琊公拜駙馬都尉遷光祿卿神龍時謀殺武三思三思令李俊上急變言

同皎欲擁兵闕下廢皇后帝大怒斬同皎於都亭驛同皎且死神色自若睿宗立詔復官爵謚忠壯

從子邱字仲由舉制科中第遷考功員外郎務核實材登科纔滿百議者謂數十年來米錄精明無

邱比遷吏部侍郎典選復號平允以禮部尚書致仕孫潛字宏志元和中權將作監史或藉名北軍

驕惰不事潛悉奏罷之拜涇原節度使遷檢校尚書左僕射卒沈佺期字雲卿內

士第官至太子少詹事善詩與宋盧從愿字子冀臨宋之問齊名學者宗之號沈宋從愿字子冀臨

經為夏尉又舉制科高第睿宗立累拜吏部侍郎吏選自中宗後綱紀耗蕩從愿精力於官偽牒說

功摘檢無所遺銓總六年以平允聞帝異之特官其一子贈其父敬一為鄭州長史授吏部尚書致仕

卒謚源乾曜臨漳人第進士神龍中以殿中侍御史點陟江東奏課最遷諫議大夫開

元初累遷黃門侍郎同中書門下三品進位侍中
建言大臣子求京職俊又授外官非平施之道請

出二子補外時嘉其讓位至太子少傅安陽郡公
卒族孫先裕亦有名居官號清愿撫諸弟友義卒

官鄭州長史子洵擢進士第天寶中安祿山犯河
洛為江陵大都督長史以禦賊卒贈禮部尚書謚

曰**宋韓令坤**武安人周世宗時歷殿前都虞侯領
定武軍節度從征淮南下揚州又下

壽州太祖親征李筠詔令坤率兵屯河陽澤潞平
以功兼侍中建隆二年改成德軍節度令坤有才

畧識治道鎮常山凡七年北邊**韓重贇**武安人少
以寧太祖間其卒甚悼惜之

周太祖麾下從世宗戰高平以功遷鐵騎指揮使
宋初以翊戴功擢領永州防禦使從征澤潞乾德

五年出為彰德軍節度開寶二年太祖征太原過
其邸命為北面都部署遇遼兵戰於定州大破其衆

太祖優詔褒美七年卒子崇訓折其要路敵遁去後拜檢校
鎮州契丹兵至崇訓折其要路敵遁去後拜檢校
太傅分司西京卒子允恭
蔡審廷射從周世宗戰
有謀畧好學能世其家
高平有功遷軍使宋初授殿前散都頭指揮使從
征李筠為飛石傷足車駕幸其官署問之賜賚甚
厚乾德初授冀州刺史征太原時屯兵易州審廷
訓練士卒甚整太祖過鎮陽見於行在命為鎮州
兵馬都鈐轄魏丕字齊物相州人為作坊副使在
開寶八年卒魏丕職盡力以久次轉正使凡典工
作十餘年討澤潞維揚下荆廣汝川陝征河東平
江南皆令修器械無不精辦太祖幸洛郊祀三
司使王仁瞻議僱民車牛運法物丕揀本坊匠少
壯者二千餘分為遞鋪輸之時以為便出為黃州
刺史遷朝召對賜御書急就章朱邸集歷知鳳州
襄州遷左驍衛大將軍卒丕好歌詩頗與士大夫

遊接有師碩字霄遠內黃人少篤學與兄碩齊名
時稱碩建隆二年舉進士擢上第歷知邠簡

資眉四州起拜工部郎中真宗累召對詢其文章
碩謙遜自晦上益嘉之命知制誥兼史館修撰咸

平二年同知貢舉召入翰林為學士五年
卒碩曠達夷雅縉紳多慕其操尚劉用相州人曉

音律善騎射端拱初領州刺史李順亂蜀為西路
行營鈴轄賊平遷祁州刺史咸平中烽候數警用

建議並邊兵俟其南牧時即率驍銳出東路以牽
制其勢因圖上地形上召宰相閱視可其奏景德

初為邢州部署以城守之勞進爵封李防字智周
邑歷知齊陳潞三州大中祥符二年卒內黃人

舉進士歷官三司戶部判官景德初江南旱詔與
張知白分東西路安撫上言秦義嘗增江淮兩浙

荆湖權酤錢民頗煩擾詔悉罷之防好建明利害
所至必有論奏朝廷頗施行之在江南晏殊以童

子謁見防命賦詩使還薦之後至宰相 **韓國華** 字光弼安陽人性純

二年舉進士雅熙中假太常少卿使高麗既至其俗獷驚恃險遷延未即奉詔國華移檄諭以朝廷

威德宜亟守臣節於是俯伏聽命使還遷左司諫充鹽鐵判官淳化二年遼人請和朝議疑其非實

遣國華使河朔以察之既至盡得其詐以聞三年命直昭文館祥符初累遷右諫議大夫代還卒

竇舜卿 字希元安陽人以蔭為三班奉職辟府州兵馬監押夏人犯塞舜卿求援於大將王

凱凱弗應舜卿提州兵出戰勝之明日經畧使問狀凱懼要以同出為報舜卿雖然相許不自以為

功熙寧中歷邠寧環慶路副 **韓琦** 字稚圭國華子總管改刑部侍郎卒謚康敏

方唱名太史奏五色雲見初授將作監丞歷官陝西經畧安撫招討使與范仲淹在兵間久名重一

時人心歸之朝廷倚以為重天下稱韓范嘉祐三年拜同中書門下平章事請建立皇嗣擇宗室之賢者以為宗廟社稷計英宗嗣位拜右僕射封魏國公神宗立拜司徒兼侍中判相州相人愛之如父母八年換節永興軍卒謚忠獻帝為治冢篆其碑曰兩朝顧命定策元勳配享英宗廟庭琦天資樸忠識量英偉臨事喜愠不見於色嘉祐治平間再決大策以安社稷時朝廷多故琦處危疑之際知無不為在魏都久遼使每過移牒必書名曰韓忠彥韓魏公在此故也其見重於外國如此

韓忠彥

字師樸琦子舉進士累官尚書左丞知樞密院事哲宗親政更用大臣言者觀望爭言垂簾時事忠彥言昔仁宗始政當時亦多讖斥章獻時事仁宗惡其持情近薄下詔戒飭陛下能法仁祖用心則善矣徽宗即位拜門下侍郎忠彥陳四事一曰廣仁恩二曰開言路三曰去疑似四曰戒用兵踰月

拜尚書右僕射上用忠彥言數下詔蠲天下逋負
盡還流入而甄叙之以觀文殿大學士致仕卒

韓浩

琦孫以奉直大夫守城陷力戰死特贈三官官其

家三韓肖胄

字似夫忠彥孫以蔭補承務郎歷開封府司錄詔除直秘閣知相州王師

傳燕肖胄策幽薊且有變宜陰為守備已而金騎
入境野無所掠而去建炎二年為嗣部郎遷左司

應詔陳五事擢工部侍郎時台問戰守計肖胄條
奏千餘言帝稱其所對事理簡當紹興二年遷吏

部侍郎時條列散失吏因為奸肖胄立重賞俾各
省記編為條目以次行之舞父之獎始革三年拜

端明殿學士同僉書樞密院事充通問使至金
兵甚重之使還除資政殿學士知紹興府尋奉祠

卒謚岳飛字鵬舉湯陰人少負氣節沈厚寡言家
元穆

四年應募隸留守宗澤紹興元年張浚請飛同討李成飛請為先鋒大破成軍江淮平累授武安軍承宣使帝手書精忠岳飛字以賜之歷授少保河南北路招討使討平羣盜屢破金兵既敗烏珠於鄆城累戰皆捷中原大震方指日渡河秦檜諷臺臣請班師一日奉十二金字牌飛憤惋泣下曰十年之力廢於一旦既歸授樞密副使檜以飛終梗和議風万俟卨等劾飛遣使捕飛父子命何鑄鞠之飛裂裳以背示有盡忠報國四大字深入膚理坐繫兩月無可誣者歲暮獄不成檜手書小紙付獄即報飛死飛至孝母有痼疾藥餌必親母卒水醬不入口者三日好賢禮士覽經文雅歌投壺恂恂如書生然忠憤激烈議論持正不挫於人卒以此得禍孝宗詔復飛官謚武穆後改謚忠武嘉定四年追封鄂王烏岳雲飛養子年十二從張憲戰珠舊作兀术今改岳雲多得其力每戰先諸軍登

城襄漢平功在第一不言逾年銓曹辨之始遷武翼郎楊公平功亦第一張浚廉得其寶奏乞擢

異數力辭不受穎昌大戰無慮十數出入行陣體被百餘創甲裳為赤以功遷忠州防禦使終左武大

夫提舉醴泉觀萬俟誣雲與張憲書令措置使還飛軍棄市時年二十三孝宗初與飛同復原官

贈安遠軍承宣使楊再興飛將飛屯襄陽以圖中原再興取長水盡復京險要又得馬萬

匹芻粟數十萬中原響應後以三百騎遇烏珠兵十二萬於小商橋再興戰死獲其尸焚之得箭鏃

二姚興相州人靖康中以武功累遷荆湖南路兵升姚興馬副都監金人渝盟王權遣興拒之與金

兵遇虜兵力戰父子俱死李道字行之相州人初詔贈容州觀察使謚忠毅歸宗澤澤卒依襄

陽副使桑仲仲以為副都統兼知隨州仲為霍明所殺道率兵縞素闔明於郢明亡去劉豫遣人

持書招道道執其使以聞詔嘉獎之領榮州團練使除唐鄧郢州襄陽都統制從岳惟叔復襄陽等

郡累陞御前諸軍統制武興蠻楊再興連歲寇掠道破其衆再為湖北副總管卒謚忠毅

韓同

鄉

琦五世孫女為寧宗后同鄉累官慶遠軍節度使加太尉季父侂胄自以有定策功聲勢熏灼

同卿每懼滿盈不敢干政同卿歿侂胄竟敗人始服其善速權勢云

金王競

字無競彰德人

博學能文善草隸書皇統初參政韓昉薦之召權應奉翰林文字二年試館閣競文居最遂為真選

尚書禮部員外郎時海陵當國欲令百官避堂諱競言人臣無公諱遂止天德初轉翰林待制累擢

禮部尚書同修國史大定四年卒官胡礪字元化武安人少嗜學天

使賦詩以見志礪操筆立成思致清婉昉因館置門下自是學業日進舉進士第一授右拾遺權翰

林修撰皇統初改同知深州軍州事再補翰林修撰遷禮部郎中一時典禮多所裁定天德初累遷

翰林學士改刑部韓王字溫甫相州人明昌五年尚書扈從至汴卒

林為應奉應制一日百篇文不加點泰和中建言開通州潞水漕渠舡運至都授同知陝西東路轉

運使事與夏人戰敗之當路者忌其功驛奏玉與夏寇有謀朝廷疑之授玉河平軍節度副使道出華

州被囚死於郡學臨終書二詩壁間士論寬元蔡之子不疑字居之以父死非命誓不祿仕

珍安陽人素驍勇從憲宗攻宋合州釣魚山中統三年從征李璫後從鎮襄陽狗安慶攻五河所

至有功南方平入備宿衛至元十四年扈駕駐黑城珍遣兵士儲芻藁築土室軍府賴其用陞忠武

校尉時白海初建行營命珍督役卒事民不知擾二十七年進後街親軍千戶元貞元年進階武畧

告老 歸 杜瑛

字文玉其先信安人 中書葉赫珪開府於相瑛赴其聘遂家焉與良田千畝辭

不受歲已未世祖南伐至相召見問計瑛從容對數事帝納之中統初詔徵瑛辭不就杜門著書優

游道藝以終其身天歷中贈資政大夫追封魏郡公謚文獻葉赫珪舊作粘合珪今改 胡祇通

字紹開武安人少孤既長讀書見知於名流至元元年授應奉翰林文字轉右司員外郎時向合瑪

當國進用羣下官冗事煩祇通建言省官莫如省吏省吏莫如省事以是忤權出為太原路治以最

聞十九年為濟寧路總管召拜翰林學士不赴改江南浙西提刑按察使未幾以疾歸二十九年朝

廷徵耆德者十人祇通為之首卒謚 郭昂字彥高文靖 阿合瑪舊作阿合馬今改 林州人

習刀槩能挽強稍通經史尤工詩至元二年上書許言事平章廉希憲材之歷官廣東宣慰使卒 許

有壬

字可用湯陰人幼穎悟讀書一目五行延祐二年進士累拜監祭御史泰定初上章言圖

瑞德爾之子瑣南與聞大逆請正典刑繼上正始十事為左司員外郎京畿饑白丞相發糧四十萬

解濟之氏賴以活者甚衆三年陞左司郎中每遇公議屢爭事得失汎掃積滯幾無留贖至正六年

召為叅知政事極論帝當裁節人皆題之累官集賢殿大學士階至光祿大夫致仕卒有壬歷事七

朝垂五十年遇國家大事無不盡言皆一根至理而曲盡人情當權臣恣睢之時事有不便明辦力

諍不知有死生利害君子多之改**明郭資**武安人洪圖瑞德爾舊作鐵木迭兒今改

官戶部尚書治錢穀有能稱性強毅人不能干以私**任禮**字尚義臨漳人起

知從征樂安及烏梁海俱有功正統初進左都督以破阿台功封寧遠伯鎮甘肅沙州衛都督納穆

噶凡弟乖異禮乘其饑窘督兵徑詣其地収其全部而還卒贈侯謚僖武烏梁海舊作兀良哈納穆

噶舊作喃石璞字仲玉臨漳人永樂中舉於鄉選哥今並改授御史歷江西副使著聲績累遷

工部尚書景泰時討貴州苗賊有功改兵部致仕歸室廬不完英宗復位謂大學士李賢曰石璞純

臣聞其尚健為我降璽書召之比至遷南京左都御史罷歸卒霍克昇內黃人幼

年九十九而終克昇已老猶徒跣負土成壘廬居三年宣德中旌表史五常內黃人父萱官

廣東僉事卒葬南海縣和光寺側五常方七歲母携以歸比長常以不得返葬為恨母語之曰爾父櫬內置大錢十爾謹志之

及母歿廬墓終喪即往迎父櫬寺廢櫬無所覓忽老人以杖指其處乃得父櫬內置錢如母言扶歸合葬復廬墓三

年正統六年年旌表郭本安陽人善醫早孤事母孝母喪崔廬墓白鶴來棲成化中旌表

陞

字廷進安陽人成化進士歷兵部員外郎因屋

變上言闡豎放恣妖僧蠱惑宜誅竄又言兵部尚書王恕今之伊傳不宜置之南京皆不報後歷延安知府四川叅政並以廉惠著稱張士

隆

字仲修安陽人宏治進士歷御史正德中乾清宮災上疏譏切時政巡按鳳陽劾奏中官史宣

罪錦衣千戶廖鎰錢寧所睚也大為奸利士隆偕同官劾之寧大怒搆之下詔獄謫晉州判官世宗

立名復其故官終陝西副使

崔銑

字子鍾陞子宏治進士選庶吉士授編修以不附劉瑾出

為南京戶部主事嘉靖初歷南京國子祭酒會大學士蔣冕尚書汪浚等以爭大禮去位而張璉桂

薦輩用事銑極言忠邪不分忤旨罷後以薦起仕至南京禮部右侍郎初銑家居作後渠書屋讀書

講學其中學者稱後渠先生晚歸門人並進嘗曰道在五倫學在治心功在慎獨卒謚文敏馬

卿

字敬臣林縣人宏治進士選庶吉士授給事中出為大名知府嘉靖初歷浙江布政使以裁抑

中官吳勳諱鶴慶知府政績甚著卿性強直有才畧善處艱劇歷官右副都御史總督漕運兼撫鳳

陽卒於官王勳字世臣湯陰人由太學生為涑水知縣正德初以事忤劉瑾瑾欲加罪陰使人

入縣署覘之婦子紡績惟衣帶掛壁乃釋之清名徹於內庭擢汾州知府尋去官躬耕食力不履城

市者三王科字進卿涉縣人正德進士知藍田縣十年有善政嘉靖時擢給事中帝遣內官

織造陝西科力言其擾民尋巡視京營劾奏郭勛奸利不報李福達獄起復劾勛遂下獄劾藉隆慶

初贈太郭樸字質夫安陽人嘉靖進士改庶吉士常少卿授編修累官吏部尚書掌銓一秉至

公愛惜人才進武英殿大學士在相位以大權還朝廷以職守選百司掣綱敦要隆慶初政一時稱治

會言者幼高拱樸與拱鄉里不自安
亦求去家居三十年卒
吳定字子靜安陽人

萬歷進士歷御史疏請停內操忤旨奪俸
理御會御史傳好禮以諫稅使被黜定抗疏救之

亦除名後為雲南巡撫
王樺徵字應甫安陽人萬歷末舉於鄉授蒲州知州以孤介

拂上官意致仕歸
崇禎十七年為賊憤恨不食而死
本朝乾隆四十一年

賜諡節尚大倫字崇雅安陽人崇禎進士歷官刑部郎中國學生白夢謙以救黃道周繫獄大

倫謙寬之忤尚書意遂罷歸流賊陷安陽抗節死
本朝乾隆四十一年

賜諡烈司五教字敬先內黃人篤學有志行崇禎時為內邱訓導五教激勵士民且戰且守賊

悉兵來攻四日城陷厲聲罵賊被磔死
本朝乾隆四十一年
賜諡烈愍

本朝司九韶

字仲文內黃人任潞安推官姜瓖反被執不屈齒指血作書請援賊覺遇害

李塤

字士調湯陰人順治進士任福建龍溪令王耿逆之變嬰城固守力竭見擒不屈死

伯勉

字東臯湯陰人順治進士由行人遷選曹郎性好友居官廉介改御史轉京師歸里卒祀

鄉賢蘓宏祖

湯陰人順治進士知山西和順縣會姜瓖叛陷遼州逼和順宏祖訓厲鄉勇擒

賊將王歌城賴以全

流寓漢夏馥

陳留圉人桓帝初為中官誣陷乃晉庾剪髮變形入林慮山中為治家傭晉庾

袁

字叔褒潁川鄆陵人元康末張泓等肆掠於陽程袁乃攜其妻子適林慮山事其新鄉如其故

鄉言忠信行篤敬比及暮年北齊元文遙洛陽人而林慮之人歸之咸曰庾賢

閣祭酒解官侍
養隱於林慮山

隋盧太翼

河間人隱於白鹿山數年徙居林慮山茶苑澗

請業者自遠而
至初無所拒

唐温佶

并州祈人後居鄴薛嵩薦之朝授太常丞一謝嵩即

去屏處郊野

金王庭筠

河東人明昌元年召庭筠試館職中選御史臺言庭

筠不當以館閣處之遂罷卜居彰德

元劉秉忠

邢州

人年十七為邢臺節度使府令史居常鬱鬱不樂
一日投筆嘆曰丈夫不遇於世當隱居以求志耳

即棄去隱武安山中久之天寧虛照禪師
遣徒招致為僧以其能文詞使掌書記

列女晉劉遐妻邵氏

續之女驍果有父風遐嘗為石季龍所圍妻單將數騎板遐出

於萬衆之中及田防等欲為亂遐妻
止之不從乃密起火燒甲仗都盡

宋韓肖胄母

文氏

紹興三年肖曾充通問使將行母語之曰汝家世受國恩當受命即行勿以我為念帝稱

為賢母封

元趙美妻王氏

內黃人至治元年美溺水死王氏誓守志舅姑

念其年少無子欲使更適人王氏曰婦義無再醮且舅姑在妾可棄而去耶舅姑乃欲以族姪與繼

婚王氏拒不從舅姑迫之

趙洙妻許氏

有壬之姪女至正十

九年紅巾賊陷遼陽洙時為儒學提舉夫婦避亂匿資善寺洙以叱賊見害許氏不知也賊甘言誘

許氏今指示金銀之處許氏大言曰吾詩書冠冕故家不幸遇難但知守節而死他皆不知也賊以

刃脅之許氏色不變已而知其夫死因勵哭仆地罵聲不絕口遂遇害寺僧見許氏死狀哀其貞烈

賊退與洙合葬之

明李士能妻楊氏

安陽人士能歿哀毀逾禮歲饑其兄弟諷

令改適楊斷髮自誓成化中旌表
李諒妻陳氏
安陽人諒歿絕粒三日姑強之乃進

食成化中旌表
王世昌妻楊氏
臨漳人宏治中世昌凡坐事論死世昌請代其刑時

楊未笄願許於上代夫死遂
入京陳情救法司議得並釋
高氏女
名小梅武安人正德中為

流賊所掠露刃脅之小梅怒罵曰
殺即任爾無望得污我也
遂遇害
王弼妻鄭氏
安陽

人太行賊斬闖入掠王貨
鄭躍身墜樓死事聞旌表
劉夢祥妻龐氏
安陽水

頑木夫婦並為流賊所掠龐佯好語賊縱其夫
乃大罵被害時水治之抗節死者二十五人

本朝李瑁妻傅氏
湯陰人瑁以龍溪令殉員清繼妻

張氏
安陽人清守備宣化殁姑憐張少勸令改適氏以頭觸地血流被面清權厝宣化氏攜子

迎柩歸艱苦備嘗事姑 徐滾妻張氏 安陽人守節二十餘年為甚謹雍正八年旌

強暴所害康熙三十八年旌 程氏亦以拒暴見殺先後旌 涉縣張玉生妻

崔進經妻郭氏 林縣人夫亡守節其儿廸改適乃自縊又王適遠妻李氏亦以夫亡

殉節 崔正繼妻宋氏 安陽人年二十一正病歿無子氏撫嗣子成立備歷艱辛又中

存義妻劉氏劉極妻許氏史陳編妻郭氏蘇參妻 陳氏溫倍妻劉氏王鳳彩妻魯氏孫體元妻王氏

王校繼妻邢氏楊繼翰妻孟氏周吉徵妻王氏王 沈妻劉氏許廸治妻楊氏吳爾禮妻許氏鄭益妻

王氏申福錫妻馬氏黃文玉妻璩氏師得亮妻劉 氏呂玖妻郭氏崔田妻張氏楊天泰妻宋氏盧應

時妻李氏馮又京妻彭氏吳文巖妻高氏倪端士 妻衛氏陳元勳繼妻邢氏妾閻氏樂純聲妻郭氏

李本敬妻王氏田九增妻姚氏李維新妻陶氏張廷彥妻宋氏楊若震妻張氏謝宣妻芊氏程雲龍

妻盧氏劉希古妻王氏田玉妻吳氏張丕才妻邢氏趙元勳妻賈氏趙耀妻王氏申君弼妻程氏邢

鏞妻劉氏妾郭氏沈又炯妻許氏路永祿妻吳氏蕙

文妻盧氏盧瑞九妻范氏郭永慶妻畢氏楊發天

妻唐氏桑大用妻朱氏邢節巷妻劉氏邢連妻郭

氏尚宗大妻姚氏俱夫亡守節乾隆元年以來先後

表 旌高一琴妻杜氏 臨漳人強暴馮茂蓮欲汙之
不從自縊死又陳謹妻賈氏

劉永命妻牛氏岳好學妻薛氏王慎言妻張氏李
馨妻任氏俱夫亡守節乾隆元年以來先後 旌

表 臧釗妻孫氏 湯陰人夫亡守節又同縣蘓卞妻
王氏郭榮祖妻韓氏呂大功妻許

氏田定國妻裴氏俱 郝從周妻陳氏 林人值歲饑
乾隆年間 旌表 夫欲賣氏以

餽口氏自縊死又原勳妾張氏勳病歿氏自縊以殉又李玉臣妻郭氏馬雲德妻魏氏俱遇強不污

自縊死又牛屋妻萬氏田中裕妻牛氏蘓凌雲妻郭氏李星次妻黃氏王瀚宣妻桑氏閻永祺妻傅

氏趙麗中妻靳氏黃騏妻劉氏郭天平妻陳氏傅璞妻郭氏劉勘妻楊氏李垓妻張氏方名妻杜氏

俱夫亡守節乾隆元
年以來先後 旌表 **李公妻齊氏** 武安人遇強不從自縊死又白

廷魁妻張氏李鈞妻任氏賈鳴珩妻李氏趙貴妻龐氏楊旭妻張氏胡建吉妻郭氏智期妻賈氏齊

士臣妻韓氏任步蟾妻陳氏白乃玉妻張氏徐縉業妻張氏韓起妻程氏李配元妻田氏胡基永妻

高氏胡玉祿妻高氏白成瑞妻王氏張澤久妻陳氏王大器妻馬氏李煜妻趙氏張薇妻李氏李于

妻崔氏賈懋章妻趙氏程起復妻李氏張信史妻李氏徐允宜妻尹氏李體亨妻張氏安士珮妻孟

氏李魯妻馮氏野俊妻楊氏王維增妻並氏韓繼業妻趙氏趙勣繼妻武氏王楷妻喬氏韓英妻楊

氏王文煥妻白氏魏天祿妻韓氏王心妻郝氏韓自懋妻李氏李宸樞妻侯氏趙自興妻譚氏賈偉

妻祁氏李崇滋妻張氏表壁妻郝氏李克成妻卽氏龐鎮國妻韓氏白世訓妻張氏龐守舉妻溫氏

王琴桂妻李氏賈棟妻孫氏張占先妻姜氏李德統妻王氏李佳蓮繼妻張氏張全初妻賈氏何清

妻王氏李崇芳繼妻謝氏劉可廷妻張氏郝鐸妻黃氏胡萬祿妻李氏任憫妻張氏韓奇英妻劉氏

王敬妻李氏張鉞釬妻胡氏李濬妻胡氏程世徵俱夫亡守節乾隆元年以來先後旌表

妻王氏涉人夫亡守節又同縣牛起德妻王氏康奪粹妻申氏俱乾隆年間先後旌表

韓三星妻丁氏內黃人遇暴不從被殺又馬達德妻徐氏馬兆徵妻王氏李培棟妻

王氏楊毓秀妻趙氏黃廷佐妻張氏潘世祿妻王
氏劉琦妻李氏王良孝妻楊氏黃爾祉繼妻劉氏
王勳懋繼妻楊氏王時懋繼妻郭氏董峻妻崔氏
傅養材妻劉氏俱夫亡守節乾隆元年以來先後

表
旌

仙釋漢犢子

犢人少在黑山採松子茯苓餌服之且
數百年陽都沽酒家有女生而連眉衆

以為異會犢子率一黃牛過女悅之遂隨犢子出
門共牽犢而走人不能追也後有人於潘山下見
其冬賣扈謙魏郡人精於易占常於建康筮卦每
桃李云卦百錢日限錢五百以三百養母以

二百飲酒蕭綦

隆慮人修道天平山延壽宮善吹簫能
致鳳鸞翔集號碧霄真人道成白日冲

舉晉佛圖澄

天竺人石季龍遷都於鄴傾心事澄
澄時止鄴城寺中遣弟子法常北至

襄國弟子法佐從襄國還相遇於梁基城下對車
夜談言及和尚比旦各去佐始入澄逆笑曰昨夜

爾與法常交車共說汝師耶佐愕然愧憾於是國
人每相語莫起惡心和尚知汝卒於鄴宮寺後有

沙門從雍州來稱見澄西入關季
龍屈而視之惟有一石而無尸
單道開 敦煌人

時到鄴初止鄴城西沙門法繼祠中後徙臨漳昭
德寺於房內造重閣手編管茅為禪室常坐其中

季龍資給甚厚道開皆以施人自云能療日疾就
瘳者頗驗佛圖澄曰此道士觀國興衰若去者當

有大亂及道開南渡
許昌鄴中果大亂
宋張常清 林慮人宣和中學
道於冲和處士後

入聖符山修煉人稱為竹馬先生徽宗以璽書召
延便殿賜坐問方外事欲拜為諫議大夫固辭還

山授以金符
後冲舉去
金李志芳 安陽人宣宗時補為戶部
今史棄官隱隆慮山坐煉

久之謁邱處機賜號重元子嘗主犬慶宮有萬鶴繞壇之異平生不作詩惟羽化時留頌曰四大既

還本一靈方到家白雲歸洞府明月落棲霞投筆而逝

土產紗絹

安陽出唐書地理志相州土貢紗絹葛布元和志相州貢紗宋史地理志相州貢暗

花壯丹花紗絹

木綿

府志武安田宜木綿鐵各縣出漢書地理志慮武安有鐵官後漢書

郡國志武安有鐵唐書地理志涉鄴林慮有鐵元和志林慮縣林慮山有鐵縣有鐵官

銅

安陽縣銅山舊產錫安府志武磁石武安出唐書地理志又涉縣產自然銅

石窠宇記磁州席安陽出唐書地理志又產磁毛石相州土貢鳳翮席紙府志涉

皮煤木府志湯陰紅礬府志武安胡粉唐書地理志相州土

貢胡

花口葫蘆

安陽出唐書地理志
相州土貢花口瓢

藥

安陽出唐書地理志

相州土貢知母攬轡錄扁鵲墓旁伏道艾醫家貴之



欽定大清一統志卷一百五十七